

中華郵局特准掛號認爲新聞紙類  
中華民國九年二月出版

# 京師學務局教育行政月刊

第一卷第四號

# 京師學務局教育行政月刊啓事

前由本局發刊之京師教育報現在改刊爲京師學務局教育行政月刊報中體例已多更改凡前因教育報停刊未登之命令公牘由本月刊第一期起并月補刊一俟補刊完竣仍照曩例按月刊登辦理再前教育報所刊之學校衛生尙未終稿茲再由首章刊起以成全卷特此

## 聲明

## ◎京師學務局教育行政月刊簡章

第一條 本月刊由京師學務局編輯處按期彙纂發刊定名京師學務局教育行政月刊

第二條 本月刊以公布教育法令規程記載京師地方教育之狀況兼事譯述教育學說藉以促進改良地方教育爲宗旨

第三條 本月刊門類分列如左

一 命令（內分大總統令部令局令）

二 規制

三 公牘

四 調查報告

五 記載

六 譯述

七 附錄

第四條 本月刊月出一册每月二十日出版

第五條 本月刊仍沿用教育報經費無所增減

第六條 本月刊之編輯等事項仍由局員分任其辦事細則另章規定之

第七條 本簡章有未盡事宜得隨時修訂

● 京師學務局教育行政月刊廣告 ●

本局發刊京師教育報歷有年所已編至第六卷第二號現爲循名責實起見將該報改爲京師學務局教育行政月刊內分命令規制公牘調查報告記載譯述附錄等門類仍照從前教育報辦法按月發行除向係贈閱訂閱或交換各處所賡續辦理外凡願訂購本月刊者請逕向北京宣武門內東鐵匠胡同京師勸學辦公處內京師學務局教育行政月刊總發行所接洽爲盼價目與前教育報同茲列表於後

郵費		定	冊
東 西 洋	各 省	本 京 城 內	冊 數
陸 肆 分	貳 分	壹 分	每 月 一 冊
貳 角 陸 肆 分	壹 角 貳 分	陸 分	半 年 六 冊
肆 角 貳 捌 分	貳 角 肆 分	壹 角 貳 分	全 年 十 二 冊
		壹 角 伍 分	
		壹 角	
		圓	

京師學務局教育行政月刊 第一卷 第四號 目錄 中華民國九年二月出版

命令

局令 八年七八兩月分

- 委任令第六號 派科員董敷江暫代公立第一藝徒學校校長
- 委任令第七號 派白綬曾爲公立第十二高等小學校兼國民學校校長
- 委任令第八號 派鄭朝賢爲公立第二十六國民學校校長
- 訓令第一二一號 正志中學擬增設高等小學令仰勸學員長赫春林轉飭該校遵章具報
- 訓令第一二二號 准東郊私立第十國民學校立案
- 訓令第一二三號 准東郊私立第十一國民學校立案
- 訓令第一二四號 奉部令轉飭公私立國民學校學生不必一律著用制服
- 訓令第一二五號 嘉獎東郊勸學員趙毅令勸學員長赫春林轉飭知照
- 訓令第一二六號 奉部令轉飭公私立師範中學等校酌用北京高師校畢業生
- 訓令第一二七號 奉部令轉飭公私立各中等學校考查學生學業成績毋得稍涉瞻徇
- 訓令第一二八號 奉部令轉發學校造林法紀要令附有造林場所之公立中小學校五處遵照
- 訓令第一二九號 奉部令轉飭公私立各中等學校毋得輕信謠傳致滋疑慮
- 訓令第一三〇號 令公私立各高等小學校國民學校職教員入體育公會聽講
- 訓令第一三一號 奉部函擬訂公私立各中等學校發給學生修業期滿證明書辦法轉飭遵照

訓令第一三二號 奉部令轉飭公立各中小學校聘用體育講習所畢業生

訓令第一三四號 令公立各校酌購商務印書館教育用具

訓令第一三五號 奉部令籌議暑假後各校應行改進事項特開臨時會議令公立中等學校遵照

訓令第一三六號 公立第一藝徒學校校長陳懋免職遣職派董敷江暫行兼代令該校知照

訓令第一三七號 公立第一藝徒學校校長陳懋免職令仰該員遵照

訓令第一三九號 派鄭朝賢充任公立第二十六國民學校校長令該校遵照

訓令第一四〇號 派白毅曾充任公立第十二國民高等小學校校長令該校遵照

訓令第一四一號 奉部令轉飭公立各中等學校禁止學生兼充報紙發行人

訓令第一四二號 准私立勗勤國民學校立案令仰遵照

訓令第一四三號 令公立各國民學校採用商務館編複式學級教科教授案

訓令第一四四號 奉部令轉飭公立各中等學校如有開會情事應先報知警署

訓令第一四五號 奉部令轉飭公立各中等學校學生散布傳單應送警廳候查

訓令第一四八號 奉部令轉飭公立各中等學校誥誡學生

訓令第一五〇號 奉部令轉飭公立各小學校職教員赴教育部談話會

訓令第一五一號 奉部令轉飭公立各中等學校開導諸生勿隨意為校外行動

訓令第一五二號 令兼代第一藝徒學校校長董敷江回局供職

訓令第一五三號 派楊績熙代理公立第一藝徒學校校長令該校遵照

訓令第一五四號 令公私立各中等學校督責學生勿作軼軌行爲

指令公立第二十三高等小學校 准於暑假後添招新生

指令南郊公立第一高等小學校 准停露天學校

指令公立第十五國民學校 准暑假後改編複式女生一班

指令勸學辦公處 准東郊私立第十第十一國民學校立案

指令公立第一國民學校 准歸併班次並添招新生

指令公立第三十國民學校 該校招生編級各辦法均予照准修繕應從減估計

指令公立第二十六國民學校 該校招生併級均予照准

指令北郊公立第二國民學校 准於暑假後添招新生

指令北郊公立第一國民學校 准停露天學校

指令公立第二十五國民學校 該校招生併級均予照准

指令公立第十國民學校 准添新生一班

指令公立第十八國民學校 令該校考查學生學業注重平時成績

指令東郊公立第一高等小學校 准編複式學級並招新生一班

指令勸學員長 准設塾師暑期講習會

指令東郊公立第一國民學校 該校改編學級招收新生分別准駁

指令公立第三十一國民學校 准招新生並編複式班

目錄

- 指令公立第四十一國民學校 該校添設分校推廣學級應從緩議  
指令公立第二十八國民學校 該校擬添設高等小學一節應從緩議  
指令公立第一中學校 該校補發證書暨更名易籍各生均予照准  
指令體育研究社附設體育講習所 該校改訂簡章請加經費分別准駁  
指令公立第二商業補習學校 該校修業期滿各生均准備案  
指令公立第三十六國民學校 該校招生併班均予照准  
指令公立第二商業補習學校 准該校夜班改爲英文補習班  
指令勸學員長 准京師私立勸勤國民學校立案仰飭遵照  
指令南郊公立第一國民學校 該校畫一始業辦法准予備案  
指令西郊公立第五國民學校 准該校添招新生歸併學級  
指令西郊公立第四國民學校 該校舉行畢業式並開游藝會均予照准  
指令公立第四十一國民學校 准該校添招新生改編學級  
指令私立山東中學校 令將新校長詳細履歷具報候核  
指令私立正志中學校 准該校特設補習班  
指令私立山東中學校 該校新任校長劉昂資格尙合准予備案

公牘

呈教育部 撥用學費息金爲局立小學建築費文



- 呈教育部 轉呈北京師校請撥臨時費購備各項器具文
- 呈教育部 服務員許洪緩期滿請回部任用文
- 呈教育部 彙報本年四月各中校收受轉學及回校各生二覽表文
- 呈教育部 彙報上屆學年第三學期各中校學生更易名籍事項文
- 呈教育部 撥用學費息金爲局立國民學校建築費文
- 呈教育部 具報考選留日官費員生履歷相片願書等件文
- 呈教育部 呈復體育研究社擬借局轄校舍一案本局無可指撥文
- 呈教育部 轉報私立尚義女子師範學校插班生一覽表文
- 咨步軍統領 請轉行營汛保護新立案之各國民學校文
- 咨京師警察總監 請轉行區署保護童子軍團文
- 咨京師稅務公署 請發公立第四高等小學新購校舍免稅契紙文
- 咨京師警察總監 請轉行區署保護核准立案之私立島勤國民學校文
- 咨步軍統領 北郊公立第二國民學校有村匪勒索情事請飭該管營汛實力保護文
- 函京師警察廳 函復趙凱旋設立之英文算術專修社並未呈局核准
- 函北京師範附屬小學部 轉發部印優良小學成績
- 函國立北京大學 准借公立第一第四兩講演所每週講演三次
- 函學生講演團
- 批上義師範學校 該校辦法多有未合礙難准予立案

批艾雲粹 該具呈人擬設英算專修科仰赴勸學辦公處遵章具報

批楊壽璧 該具呈人擬設女子美術學校仰赴勸學辦公處遵章具報

批許學源 該具呈人擬設覺民中小學校仰再分別遵章具報候核

批體育公會立任王道元 該具呈人擬設體操講習會並請補助各節分別准駁

批上海商務印書館經理高鳳池 該館新編複式學級用書准予通知各校採用

批關奎庚 該具呈人擬設銀行業務講習所仰赴勸學辦公處遵章具報候核

批黃潤績 該具呈人擬設英語研究社仰赴勸學辦公處遵章具報候核

布告第二號 宣示本局考取留日學生姓名

布告第三號 招考上海中華職業學校職業教員養成科公費生

布告第四號 宣示考取上海中華職業教員養成科公費生姓名

通知公立第十二高小兼國民 學校校長書派該兩校校長王峯祁森煥前往日本留學

### 報告

參觀蘇省小學教育報告(續第二號)

### 紀載

八年七月分補助北京地方學務經費支出計算書

京師公立第九十一、十二高小學校身體檢查統計表

### 譯述

京 師 學 務 局 教 育 行 政 月 刊

---

學校衛生(續)

附錄

留東通訊

目  
錄

### 教育部教育法規彙編出版廣告

教育法規內容分列十類一官制二官規三本部總務四學校通則五普通教育六專門教育七社會教育八教科書九各種會議及展覽會十雜錄自民國元年本部成立之日起至七年十二月止凡各項法令文牘經公布而有效力者靡不備載用鉛字排印成書五百四十餘面裝訂一厚冊定價現銀一元購至十部以上按定價九折五十部以上八折欲購者可逕向本部東首大門內發售前學部印存圖書處購取外省匯款函購當由郵局將書寄上不另加費特此廣告

命 令

局 令 民 國 八 年 七 八 兩 月 分

委 任 令 第 六 號  
八 月 六 日

令 本 局 科 員 董 敦 江

茲 派 本 局 科 員 董 敦 江 暫 行 兼 代 京 師 公 立 第 一 藝 徒 學 校 校 長 此 令

委 任 令 第 七 號  
八 月 十 五 日

令 白 綬 曾

茲 派 白 綬 曾 充 任 京 師 公 立 第 十 二 高 等 小 學 校 兼 國 民 學 校 校 長 仰 即 遵 照 此 令

委 任 令 第 八 號  
八 月 十 五 日

令 鄭 朝 賢

茲 派 鄭 朝 賢 充 任 京 師 公 立 第 二 十 六 國 民 學 校 校 長 仰 即 遵 照 此 令

訓 令 第 二 一 號  
七 月 二 日

令 京 師 勸 學 員 長 赫 春 林

命 令

案據正志中學校呈稱本校現擬增設高等小學校定名為京師私立正志高等小學校所有辦法均遵部章校舍校具各項已粗為籌備現正印發廣告招考學生擬於暑假後開班授課請予鑒核備案並附呈章程二份等情到局查本局中等以下學校立案章程早經通行在案茲既據該校呈請前來合行檢發原送章程一份仰即與該校接洽辦理並轉飭填具立案表送局以憑核辦此令

訓令

第一二二號  
七月八日

令東郊私立第十國民學校

案據京師勸學辦公處呈送查視東郊第十八改良私塾報告暨立案呈報表等件請改稱私立國民學校等情到局核表開各節大致符合既疊經勸學員長勸學員查視教訓合法並有獨立校舍自應准予立案編為京師東郊私立第十國民學校合行篆發校章式樣仰即照刊應用並檢發各種表簿及辦法仰隨時查照辦理此令

訓令

第一二三號  
七月八日

令東郊私立第十一國民學校

案據京師勸學辦公處呈送查視東郊第十九改良私塾報告暨立案呈報表等件請改私立國民學校等情到局核表開各節均尚符合既疊經勸學員長勸學員查視教訓合法並有獨立校舍自應准予立案編為京師東郊私立第十一國民學校合行篆發校章式樣仰即照刊應用並檢發各種表簿及辦法

仰隨時查照辦理此令

訓令

第一二四號  
七月七日

令公立各小學校

案奉 教育部訓令第二六〇號內開查學校制服規程本部曾於民國元年九月以部令頒行五年九月復通行高等小學以上各校學生均應遵照規程一律着用制服各在案凡高等小學以上各生自應一律着制服以收整齊畫一之效惟國民學校施行義務教育以普及爲主旨實無一律着制服之必要乃查近日辦理國民學校者往往注重外觀強令學生着用制服以外又有童子軍種種服裝中人家尙不難隨時購製而貧寒子弟往往因服制難備裹足不前是因此一端致阻教育之進步殊爲可惜嗣後凡屬國民學校學生但求衣履整潔不必一律着用制服此外學生在校一切用品均勿庸過求形式務使學生省一文之費用即家庭減一分之負擔貧民子弟咸可就學以冀達本部推廣國民教育之主旨除咨行外合亟令行該局轉飭遵辦是爲至要此令等因到局除分行外合亟令仰該校遵照辦理此令

訓令

第一二五號  
七月七日

令京師勸學員長赫春林

查體育一項爲教育根本要圖在各校平時教授固宜多方注意藉使逐漸改良在聯合運動方面亦應

命 令

時加提倡用資相互仿效郊外學校處所無多風習尙形閉塞倡導自屬不易此次郊外東區勸學員趙毅約集教育界人士舉辦郊外校塾聯合運動會辦理合法成績可觀所有舉行運動會人員均屬熱心提倡實堪嘉獎合行令仰轉飭知照以資鼓勵此令

訓令

第一二六號  
七月七日

令京師公私立師範中小學各校

案奉 教育部訓令第一五六號開據北京高等師範學校呈稱本校本屆畢業學生八班業將試驗竣事發給證書情形於本月六日呈報在案茲將該生等畢業成績分別繕造計國文部畢業梅貽瑞等二十三人英語部畢業李蒸等二十三人歷史地理部畢業殷祖英等二十人數學物理部張鴻圖等二十八人物理化學部畢業徐裴成等二十二人博物部畢業雍克昌等十八人教育專攻科畢業馬師儒等二十一人體育專修科畢業杜蔭清等三十二人共學生一百八十七人畢業分數及年籍履歷合訂一冊呈送察核備案再查該生等畢業後應照章服務即請察照附呈學生籍貫單分行各原省酌委服務其籍隸京兆者呈請令知京師學務局辦理等情到部查高等師範畢業生對於地方教育原有應盡之義務茲據該校呈送陳文華等四名籍隸京兆合亟鈔錄名單令該局遵照仰即酌委服務而符定章此令等因並清單一冊到局查各校教員向由學校自行延聘並無由局委任服務之辦法茲奉前因除將籍隸京兆之陳文華等四名名單印刷分行外該校如需用教員仰即酌量延用可也此令



增北京高等師範學校第六次畢業生姓名籍貫清單

姓名	年歲	籍貫	某部畢業	分數
陳文華	二二	京兆安次	國文部	七二·六
殷祖英	二五	京兆房山	史地部	八〇·二
張景賢	二五	京兆寶坻	史地部	七三·六
徐文彬	二〇	京兆通縣	體育專修科	六六·九

訓令 第一二七號  
七月九日

令京師公私立各中等學校

案奉 教育部訓令第二七四號開案查學生學業成績考查規程第一條載有學生學業之成績分爲平時成績試驗成績等語蓋以學生學業成績有由教員平時稽考所得者亦有必經試驗始能確定者近查京外中等以上各校學生有因事故未與試驗竟要求免除補行試驗以平時成績評定學業成績殊與本部慎重學業之旨顯相背馳仰即轉飭各校務遵學生學業成績考查規程辦理毋得稍涉瞻循凡學生未經學年試驗或畢業試驗者不准升級或畢業以重學業至學科有未授竣者亦應補習完畢方得舉行試驗除分行外合亟令行遵辦可也此令等固到局除分行外合亟令仰該校遵辦此令

訓令 第一二八號  
七月十一日

命 令

令京師公立中小學校五處

爲令行事奉 教育部訓令第一四八號開案准農商部第六七四號咨開據廣東林務專員黃遵庚呈稱森林利益世界夙稱學校造林各國並重我國自民國四年明定清明爲植樹節各省學校靡然從風踴躍植樹嗣鈞部咨行教育部分咨各省通飭公私學校承領官荒山地設置校園而學校之領荒造林者益見其盛林業前途至深慶幸專員仰體提倡校林盛意前經倡設本省省縣學校植樹聯合會於植樹節日聯同植樹以資聯絡而策進行並經擬訂簡章二十一條暨該會經費籌捐方法先後呈奉本省省長核准通行各在案惟學校造林關係重要宏地方公益之遠謨陶青年學子之德性拓學校供億之基金胥有賴於此故推行盡利不厭求詳專員現爲利便校林進行起見謹將關於學校植樹應用方法擇要編述擬備學校造林法紀要一本並附錄政府頒行學校造林法令及粵省省縣學校植樹聯合會簡章於後以備各校辦理植樹之參考茲經印訂成冊除呈請本省省長通令各縣知事分發各校督促照辦外理合檢備二百本具文呈繳鈞部察核其學校植樹聯合會暨核會籌捐各辦法如蒙核准並請咨行教育部通飭全國學校辦理以利進行而興林業等情到部查該員所編學校造林法紀要及擬訂學校植樹聯合會簡章均尙切要堪資參考除指令外相應據情檢同原書百八十冊送請貴部查酌通飭京內外學校參照辦理以資提倡等因附送學校造林法紀要百八十冊到部查造林種樹關繫重要歷經本部通行遵辦在案茲准咨送該專員學校造林法紀要並附學校植樹會簡章語皆扼要辦法亦

甚周妥各學校如能依此進行於地方教育實業兩有裨補除咨覆外合亟檢同原書六冊令行該局卽便查照轉令所屬各校參照辦理可也此令等因奉此合行檢同原書發給附有造林場所或公共校園之學校仰卽參照實施可也此令

訓令

第一二九號  
七月二十三日

令京師公私立各中等學校

頃奉 教育部訓令第二八一號內開案准國務院公函內開本月十一日收到北京中等以上學校學生聯名呈文一件呈云昨日中美通信社發表政府現電致巴黎專使與日本交涉能得其交還之保證卽行追加簽字又稱據北京晨報登載政府陽日通電禁止抵制日貨排斥外人各等語查政府並未致電巴黎專使令與日本交涉亦無陽日之通電均屬傳聞失實卽希查照轉諭毋得輕信謠傳致滋疑慮等因到部合亟令行該局仰卽遵照轉行通令各該生等一體週知以免多所誤會此令等因到局除分行外合亟令仰該校卽行轉諭各該生等一體知照此令

訓令

第一三〇號  
八月一日

令京師公私立各國民高等小學校(女學不計)

案據京師中小學校體育公會呈稱本會於暑假前議決於本年九月一日擬借京師公立第四中學校暨高等師範附屬小學校分設體操講習會二處藉謀增進公私立小學教員體育上之智識技能講習

命 令

七

期間爲六十日每日二小時擬請允准備案開送會員到會並繕具簡章等情到局查體育爲智德之本根關係極爲重要京師小學教員講習會雖已舉行三次然於體育講習尙付闕如茲既據該會呈稱各節核係切要之舉允宜提倡批准備案並由本局招送會員到會聽講外合行檢發原送簡章令行該校知照凡校長教員熱心研究體育者應自七月廿五日起至八月廿五日止赴本局報名以便彙送到會聽講仰即遵照此令

訓令

第一三一號  
七月二十八日

令京師公私立各中等學校

准教育部普通教育專門教育兩司函開近查各校學生屆畢業時因事故牽涉未與試驗照章不准畢業本部曾以第二七四號令行在案惟中等以上各校多在暑假期內招考此項應行畢業學生格於未與試驗之故無由取得憑照以資投考殊爲可惜本部爲愛重學生光陰起見擬由各該校先給一修業期滿證明書俾該生賞往應考俟考錄後仍須回校補行畢業試驗始給憑照呈由收考之校查驗入學以符定章特此函達貴局分別轉行各校查照辦理等因到局合亟令行該校如本屆暑假有應行畢業學生未與試驗者仰即遵照部函辦理此令

訓令

第一三二號  
八月三十日

令京師公私立各中小學校

案奉 教育部訓令第二八五號開據體育研究社附設體育講習所呈稱本所第二班學生現已舉行畢業應令行京師學務局轉飭京師各校遇有需用體操暨拳術教員時儘先聘用等情合亟令行該局遵照可也此令等因並據該所呈送畢業生名冊到局除分行外合亟照印原冊令發該校如需用此項教員仰即儘先延聘此令

計名單一紙

體育研究社附設體育講習所第二班畢業生名單

姓名	年 歲	籍 貫	成 績
胡濟美	二十三	江西南昌	七九
魏漢偉	二十二	江西南昌	七七
周萬貴	十八	京兆宛平	七五
王華傑	十九	山西汾陽	七五
杜文會	二十五	直隸衡水	七二
郭鐵霖	三十一	京兆宛平	七二
吳奎芳	二十	京兆宛平	七一
王文鈺	十八	京兆宛平	七〇

命 令

命 令

趙會善	十九	京兆宛平	六九
德俊	十八	京兆宛平	六五
陳玉田	十九	京兆宛平	六三
吳榮培	十七	京兆宛平	六三
王庚元	十九	京兆宛平	六一

訓令 第一三三號  
八月一日

令京師公私立師範中小各學校

爲令知事據上海商務印書館有限公司代理孫壯呈稱竊吾國教育玩具學校用品向付缺如欲求學校教育之完備又非此莫屬宜乎辦教育者其難矣敝館有鑒於此特聘專門技師精心製造物料悉求堅固且含有淺深之學理邇來出品甚夥疊經各處試驗多蒙稱許雖未敢以云完備要亦足供學校之應用另編訂目錄謹檢十冊呈送鑒核懇請通飭所屬學校分別採用既符愛國熱心又獲良美用具事屬兩益用敢瀆陳伏乞批示祇遵實爲公便再此項目錄業經敝館直接分寄京內外中學師範以及公私立高等小學校以省鈞署發寄手續之繁合併聲明等因到局查學校購置教育用具本應自由選擇惟既據稱所製各品堅固良美如果屬實正可斟酌選購用示提倡除批示該代理外合行令知各校遇購用時參酌前寄目錄辦理可也此令

訓令

第一三五號  
八月四日

令京師公立各中等學校

頃奉 教育部第三一七號訓令內開京外各學校前因學生有罷課請願之舉以致學風校務並感困難頃經本部派員分投視察據報告各省事實情變不同平時教育狀況學校風紀亦復各別若由部遽定劃一辦法轉恐多所窒礙難以實施現雖風潮已平而暑假期間尋將屆滿亟應就各地情形妥籌收束整理暨一切善後方法仰即於暑假內召集所屬各員暨各校長主任職教員等會同籌議關於學風校務以及訓練管理教授上之各重要事項並應詳悉討論以謀改進並將會議日期及事項方法呈部查核此令等因查此次學界風潮雖已平息然關於整理及善後事項亟應早日籌議以備開學後有所遵循茲定於本月八日起每日上午八時在局開中學臨時會議各校校長學監及級任教員屆時均須蒞會討論並應將對於教管訓練諸端先期集議提出意見以便付會研究實為至要此令

訓令

第一三六號  
八月六日

令京師公立第一藝徒學校

該校校長陳懋應即免職另候任用遺職派本局科員董敦江暫行兼代此令

訓令

第一三七號  
八月六日

令京師公立第一藝徒學校校長陳懋

命 令

京師公立第一藝徒學校校長陳懋應即免職另候任用此令

訓令 第一三九號  
八月十五日

令京師公立第二十六國民學校

該校校長祁森煥業經選派日本留學所遺校長一職委用鄭朝賢充任合行令仰遵照此令

訓令 第一四〇號  
八月十五日

令京師公立第十二國民學校

該校校長王峯業經選派日本留學所遺校長一職委用白綬曾充任合行令仰遵照此令

訓令 第一四一號  
八月十六日

令京師公私立師範各中學校

奉 教育部令開案准京師警察廳函稱北京高等師範等校發行報紙未經依法呈報候核又發行報紙含有營業性質不必由校員學生充發行人各等因并准內務部咨同前因請一併飭遵前來查學校為研究學術之地關於學術之論述刊發在所不禁惟文書出版一應記載方式稟報手續既經法律定有明文均應遵照辦理以重法紀至發行事項在校員生各有本務尤以委託他項相當之人主管為宜合即鈔函令行該局查照飭遵可也此令等因附鈔件到局合將鈔件令行該校遵照此令

附鈔件



呈為各學校發行五七報等各報紙並未依法呈報謹具報鑒核並請轉咨教育部核辦事竊本廳迭據各區署報稱查見有人散布五七報平民報救國週刊各報紙送請核示前來核閱內容指摘政府妨害邦交論調極為偏激發行地點一在高等師範學校一在法文專修館一在旅京山東學會查出版法第三第四條規定出版之文書圖畫應將著作人之姓名籍貫印刷人之姓名住址記載之於發行或散布前稟報該管警察官署並將出版物送該官署經由該官署送內務部備案各等語茲各該報面均未載明著作人等姓名籍貫各款亦未經來廳呈報至五七報前經本廳禁止出版此次重行發行仍不遵章具報均屬違反出版法之規定復查本月七日奉憲部令開凡出版物文書圖畫地方官廳應查照出版法規定分別切實辦理依法制裁等因報紙為出版物之一種出版物應於發行前稟報警察官署法律上本有規定之明文乃各該校發行此項報紙並不依法具報顯係逾越法律範圍且查學校為研究學術之地而發行報紙含有一種營業意味就地位上言性質本不相同各該校組織報紙似以專任編輯事項為宜至發行一事自可委託他項相當人員覓處所主管發行不必於學校內設立發行所並不必由校員學生充發行人除函達教育部轉飭各該校依照出版法來廳呈報并嗣後如有其他學校發行報紙者均應一律依法辦理以重法紀外理合檢同原報呈請憲部鑒核轉咨教育部查核辦理謹呈

訓令

第一四二號  
八月十八日

令京師私立勸勤國民學校

案據北京勸勤女學校曾於本年五月填具立案表呈請立案核表開校長教員資格均係師範本科畢業教科亦與部定課程相符學年銜接校舍足用尚可准予立案當即令行京師勸學員切實視察具報

命 令

在案茲據勸學員長呈稱視察該校均與原表所填各項相符並教授合法成績優良應請准予立案等情到局查該校國民班業經編制就緒應即先行准予立案定名為京師私立勗勤國民學校以昭劃一茲發去本局規定之各種規制表簿一份仰即隨時查照辦理除令行動勸學員長發給校章式樣並咨行京師警察廳飭該管區署保護外合行令仰遵照此令

訓令

第一四三號  
八月二十一日

令京師公立各國民學校

案據上海商務印書館經理高鳳池呈稱近查多級編制之學校有複式學級者向無適用之書致各校多以單式學級用書充之殊不甚便敝館有鑒於此特編輯複式學級教科教授案全份與單級教科書有同等效用現在教科書及教授案均已出全業經教育部審定公布在案茲謹呈樣本一份懇祈通飭所轄各校採用等情到局查京師各小學校已漸有複式學級編制茲既據該館呈稱各節前來應即通行各校留意採用除分行外合行令仰該校知照此令

訓令

第一四四號  
八月二十二日

令京師公私立各中等學校

案奉 教育部訓令第三二八號開案准京師警察廳函開准新華商業專門學校函開據學員吳操全等呈稱本校開辦迄今七稔前後各班學員不下數百人徒以畢業而後散居四方情愫鮮通殊非敦誼

勸學之道爰由學員等集議定期開同學懇親會並一面爲維持國貨起見擬在校籌備提倡國貨事宜用是校中時有會集情事案查教育行政規定專門以上學校直接歸教育部管轄他項機關不得過問而校內一切行動均歸校長主持負責亦非他人所得干預邇來爲籌備一切起見疊經學員等在校籌商詎意生等每次籌商時常有警察多名強行到場監視雖經學員等嚴與理論彼亦悍然不顧似此行爲以警察侵犯教育之權限且輕蔑學校之尊嚴誠恐因此發生意外變故關係教育警政前途殊非淺鮮爲此呈請函達警廳查明嚴懲並飭嗣後不得再有此種違法舉動以重教育等情查該學員等所呈各節均係實在情形理合據情函達飭區辦理等因查治安警察法第一條規定行政官署因維持公共之安寧秩序及保障人民之自由幸福對於左列事項得行使治安警察權同條第三第四兩項載政治結社及其他關於公共事務之結社暨政談集會及其他關於公共事務之集會各等語又第十七條內關於政談集會警察官署得派遣警察官吏著制服監臨關於其他不涉於政治之集會屋外集合及公眾運動游戲警察官署因維持安寧秩序認爲必要時亦同等語國家爲維持公共安寧設立警察警察對於人民之各種集會行動法律上許以隨在監視正所以謀達維持公安之目的苟非秘密結社即無反對警察監視之理由該學員等爲敦誼勸學開同學懇親會暨爲提倡國貨開會籌備均屬人民關於公共事務之一種集合行動該管區署派警到場監視係依照治安警察法第一第十七條規定行使其職權乃該學員等認爲強行監視與侵越權限未免誤會除函復該校外相應函達希即轉行各該校嗣

後如有開會情事均應先行報知該管區署該管區署派警到場監視時並應彼此互相接洽以免誤會而保公安等因到部爲此令仰該局分令各中等學校知照此令等因到局除分行外合亟令仰該校知照此令

訓令

第一四五號  
八月廿二日

令京師公私立各中等學校

案奉 教育部訓令第三三九號開本部現准京師警察廳公函內開據中二區警署呈報本月十日有高等法文專修館學生散布傳單并未先行呈報檢同傳單請核等情查出版法第四條載出版之文書圖畫應於散布前稟報該管警署等語本廳訂定檢查傳單辦法凡有臨時散布之印刷物均須先行送廳檢查蓋戳其未經檢查許可者不准散布於二年七月布告在案近頃各校學生多有持未經檢查之傳單到處散布經區警查詰或有補行送廳蓋戳者亦有不服檢查公然強詞爭執者爲此函部希即轉飭各校嗣後學生如有散布傳單情事務應先將傳單送廳檢查俟加蓋戳記後再行散布以維法令而保公安等因并送傳單一紙到部合亟令行該局仰即轉飭所屬各校一律遵照究竟在校學生有無散布傳單情事並應查明早復以憑核復該廳斯爲至要切切此令等因到局除分行外合亟令仰該校遵照再該校在校學生有無散布傳單情事并仰查明聲復以憑彙案轉報此令

訓令

第一四八號  
八月廿六日

令京師公私立各中等學校

案奉 教育部訓令第三四九號開自歐會德約對於山東各款未能有公允之解決京外各學校學生羣起抗爭致有罷課請願之事各該學生等激於愛國熱忱雖爲國人所共諒然而爲國家計爲教育計其影響於前途者若何此則本部所深爲考慮者也國家根本改進恒視國民之品性與智識以爲衡品性之力足以維持國家之精神生活智識之力足以發展國家事業出而與世界相見職是之故教育者與受教育者對於國家之任務不出乎學術修養之範圍即令國家有重要事故亦祇能以校內所討論與國人交換意見尙參以事實上之行動客氣乘乎其中環境逼於其前越俎廢學勢所不免本實先撥國將焉賴此應覺悟者一也政治變遷肇端甚繁探原而論政治社會不過公共社會之一部政治事業亦即社會事業之見端求良政治於惡社會求新政治於舊社會其事均屬至難爲諸生計與其就政治上爲改革之蕪響毋甯就社會上爲實際之創造誠能以學校爲鑄造社會之模型而以自身之學業爲鑄造此種模型之資料朝而修焉夕而息焉舉社會之實質與其生活狀態莫不陶冶於學校之內則社會之中堅由此而立即將來政治上之根本改革亦必緣此而可望其有成苟違茲義豈惟干預政治顯有出位之嫌即令自秉國成恐亦無澈底之法此應覺悟者二也吾國設學垂三十年矣事業舉廢宗旨良楛難以概言獨至於學校風紀則當局與國人莫不兢兢然持之蓋覘之一校旣爲操行成績之徵被之全國尤爲教育信仰所繫平時學生行檢稍乖社會猶指爲詬病若其橫逸潰決取學校之規律與職

教員之訓誡一舉而蔑棄之使職教員對於諸生剛柔張弛並有所窮而教育當局又不能取世界之趨勢與教育學說之變化強國人以共喻即無法以保持教育上之社會信用不甯惟是學風既墮在校已無復重規律守秩序之習慣浸假而校外之行動與行政之職權社會之裁制發生衝突必至干涉強制兩敗俱傷爾時教育主張與學生地位連同貶抑教育基礎無法維持事之可痛甯有逾是此應覺悟者三也國勢艱虞至今益亟深識之士瞻顧傍皇方以學校教育爲前途一綫之希望諸生念國家待援之急應如何發憤深造寶貴力學之光陰念國人屬望之殷應如何刻苦自愛養成遠大之器識不此之圖而急於事功而淺於嘗試汜濫迴旋於政治潮流而無所當外襲時論內隕良知立身無所違言愛國本部對於諸生誼同師友分等家庭自前此各校罷課以來即以調護士氣維持學風爲主旨迭向京外主管長官暨各學校校長職教員等商榷匡導幾於舌敝唇焦猶幸諸生了解始末得以告一收束茲值暑假屆滿各校開學之始惟望各學生以深切之覺悟策前途之進修爰掬忱悃申茲誥誡諸生誠能懷學殖之荒落念來日之大難勉納盡言不遠而復是則本部所厚望也此令等因到局除分行外合亟令仰該校卽行遵照誥誡諸生爲要此令

訓令 第一五〇號  
八月廿九日

令京師公私立各小學校

案准教育部普通教育司函開本司訂定本月三十一日上午九時在本部大會場召集北京公私立各

小學校職教員開談話會前次視察小學視學錢君等出席發表視察意見相應函請貴局查照轉致各校知照可也等因到局合亟令仰該校校長屆期會同各教員准時赴會可也此令

訓令 第一五二號  
八月廿九日

令京師公私立各中等學校

案奉 教育部訓令第三六二號開本月二十六日有各界聯合會代表多人在新華門外請願經部派員前往查詢實有學生雜入其中亦復自稱各界代表次日聚集愈衆當經本部商請政府派員將請願事件詳細解釋并派部員會同勸導晚間復由本次長親往召集各該代表反覆誥誡一面并傳知各校學生回校至再至三迄未散退此次各該代表請願事件已經政府宣示一切自可了解現在中等以下學校開學伊始專門以上各校亦均預備開學青年學子光陰至爲寶貴豈能隨意曠廢長此爲校外行動其有日內回校者仍應由各該校職教員剴切開導其有回家者亦應由校通知各該家族切實訓誡倘再不遵校規亦惟有按照學校規律辦理至現仍在校照常上課或溫習功課者安心嚮學本部實深嘉許仍須由各該校職教員隨時宣慰勉爲勸學斯爲至要此令等因到局除分行外合亟令仰該校遵照辦理此令

訓令 第一五二號  
八月三十日

令兼代京師公立第一藝徒學校校長董敷江

命 令

命令

二十

兼代京師公立第一藝徒學校校長董敦江應即回局供職此令

訓令 第一五三號  
八月三十日

令京師公立第一藝徒學校

兼代該校校長董敦江應即回局供職所遺該校校長一職派楊績熙代理此令

訓令 第一五四號  
八月三十日

令京師公私立各中等學校

本月二十七日查有中等學校學生雜入各界請願代表團紛集新華門外當經召集各校校長前往剴切曉譬勸令速回本校安心課業當時遵諭回校者正不乏人而泥於少數人之牽掣瞻顧徬徨不肯遽去者亦復不少是夜本局長率同局員校長前往查視當經曉以此次舉動實屬踰越範圍况值時疫流行露宿尤多危險正在設法勸令回校並諸生亦有願從之意突有不知姓名之各界代表數人從旁叫囂甚且加以詆毀致使諸生怵於喧奪失其自由迫脅之情顯然畢露諸生年齡尙幼意志未堅嗣後應事接物俱應詳加考慮斷不可率爾盲從致使自身陷於險境本年學界風潮綿延至兩月之久光陰虛擲實屬可惜須知學生以劬學爲本圖軌軌行爲斷不可輕相嘗試此次通令之後各該校長務即嚴切督責示以準繩即教職員亦當勞怨不辭隨時助濟俾莘莘學子成德達材本局有厚望焉此令

指令 七月二日



令京師公立第二十三高等小學校

呈一件爲呈報添招新生一班由

呈悉該校於暑假後擬添招一班以便年級銜接事屬切要可行應卽照准此令

指令 七月七日

令京師南郊公立第一高等小學校校長博海玉

呈一件爲擬緩辦露天學校請予鑒核由

呈悉該校附設之露天學校既有窒礙情形應卽准予停辦爲此令仰遵照此令

指令 七月八日

令京師公立第十五國民學校

呈一件爲具報暑假後改編女生複式一班祈示遵由

早悉該校擬於暑假後招收女生改編複式一班核與部令及該校編制均無衝突之慮既據稱藉此免

除招生困難應卽酌予照准此令

指令 七月八日

令京師勸學辦公處

呈一件爲東郊第十六第十九改良私塾辦理合法請准予立案改稱國民學校由

命 令

據呈送查視東郊第十六及第十九改良私塾報告暨立案呈報表等件請予立案改爲私立國民學校等情已悉核表開各節大致符合既疊經勸學員長勸學員查視教訓合法並有獨立校舍自應准予立案編爲京師東郊私立第十及第十一國民學校除咨請步軍統領轉行該管營汛保護並訓令各該校知照外合行令仰查照此令

指令

七月十日

令京師公立第一國民學校

呈一件爲呈報歸併學級招添新班請核示由

呈悉該校擬將第三學年兩班歸併一級並續招新生一班俾一二三四學年各成單式一級藉資整齊編制應卽照准此令

指令

七月十一日

令京師公立第三十國民學校

呈一件爲預籌添編學級辦法請鑒核由

呈悉該校擬於暑假後添設一班改爲單式四級以便整齊編制應卽照准所稱修葺教室添蓋灰棚等項應從減估計呈局候核此令

指令

七月十一日

令京師公立第二十六國民學校

呈一件爲合併同年級一班另招新生由

呈悉該校擬將第三學年學生兩班合併一級並補招新生兩班俾暑假後編制仍復舊觀應照准此令

指令 七月十四日

令京師北郊公立第二國民學校

呈一件爲請增添新班由

呈悉該校擬於暑假後增設國民一年級新生一班以便年級銜接事屬切要可行應即照准此令

指令 七月十五日

令京師北郊公立第一國民學校校長武鳳

呈乙件爲停辦露天學校請予鑒核由

呈悉該校附設之露天學校既係學生減少徒糜經費應即准予停辦爲此令仰遵照此令

指令 七月十六日

令京師公立第二十五國民學校

呈一件爲改編年級請鑒核由

呈悉該校擬將二年級學生合併一班另招一年級新生兩班以復舊觀應即照准表存此令

命 令

命 令  
指令 七月十六日

二十四

令京師公立第十國民學校

呈一件爲呈請准添國一一班由

呈悉該校擬於暑假後添設國民一年級一班以便編制整齊事屬切要可行應即照准此令

指令 七月十六日

令公立第十八國民學校

呈一件爲學生因病悞考畢業聲請補考由

呈悉查部頒學生學業成績考查規程第十三條內開國民學校高等小學校即以平時成績評定學業成績不施行試驗但遇必要時亦得施行適宜之試驗等語可知國民學校高等小學校學生學業成績即以平時成績評定遇有平時成績無可參合時得以試驗成績爲準該校高等班學生馬國棟董安華二名國民班學生王德俊等四名既據稱平素學業成績實有可觀自無補考之必要應即准其舉行畢業具報候核卷查張寶祿一名原報係張保祿未知究屬孰是仰速聲復以憑核辦按該校考查成績仍重試驗實與規程不符後應注意又該校嗣後遇有關於學生文件應將高等國民分別呈報以清案卷而便稽核此令

指令 七月十八日

指令 七月十八日

令京師東郊公立第一高等小學校

呈一件爲歸併年級添招新生請鑒核由

呈悉該校擬將現有之二年級一年級學生於暑假後改編二三年級複式班並補招一年級新生一班以符定額應准備案此令

指令 七月十八日

令京師勸學員長赫春林

呈一件爲籌設塾師暑期講習會擬定辦法請備案由

呈悉所擬籌設塾師暑期講習會辦法尙屬可行應即准予備案簡章存閱此令

京師塾師暑期講習會簡章

一名稱 京師塾師暑期講習會

一宗旨 以補充塾師教育學識敦促改良爲宗旨

一期限 一個月起七月十五日訖八月十四日

一時間 每週月火木金曜日 下午四點至七點

一課程 選講私塾改良捷訣及單級教授談並酌量塾師程度分組補習算術課表另訂之

命 令

命 令

二十六

一地點 就塾師赴會之便利按內外城四區分設四處地點如下

內左區 公立第一高等小學校 安定門內前圓恩寺路北

內右區 公立第一公衆補習學校 西四牌樓北路西

外左區 私立普勵國民學校 打磨廠新開路路西

外右區 公立第十九高等小學校 宣武門外梁家園路北

一講員 以四郊巡迴教員充之支配如下

內左區 王永清 內右區 關承琳

外左區 劉敦本 外右區 續 陞

指令 七月十八日

令京師東郊公立第一國民學校

呈一件爲添招新生改編學級請鑒核由

呈悉查京師各小學校編制不齊非止一處本局接之學款情形業經擬有逐年改進辦法以期經費編制兩無顧慮該校學年既經銜接徒以改編之故招收多數高年級插班學生藉符定額亦非良法所稱添設學級一節姑從緩議其續招國一一班應准備案此令

指令 七月二十三日

令公立第三十一國民學校

呈一件爲呈報添招新生並改編複式由

呈悉該校擬添招一年新生一班並將三年生與一年生四年生與二年生各編複式一班事屬切要應

准照辦此令

指令 七月二十五日

令京師公立第四十一國民  
六女子高等小 學校

呈一件爲呈請添設分校加招新生漸謀年級銜接由

呈悉據稱添設分校推廣學級藉課整齊編制一節籌畫詳盡委係要圖惟以本局學款有限本年度各  
校續准添班者甚夥出入相抵無絲毫餘裕該校整齊編制計畫只得期諸異日所陳各節應從緩議此  
令

指令 七月二十五日

令京師公立第二十八國民學校

呈一件爲擬請添設高等以廣教育請鑒核由

呈悉該校爲一方升學便利起見擬就原有學級改設高等所陳逐年改進計畫均屬切要可行惟本局  
學款有一定限制本年度各校續准添班者爲數甚多以致出入相抵毫無餘裕所請改設高等一節應

命 令

命令

二十八

從緩議仰即遵照此令

指令 七月二十六日

令京師公立第一中學校

呈一件爲送補發學生張子華畢業證書請予蓋印趙武德更易名籍乞核示由

呈暨證書均悉該校學生張子華證書遺失懇補行發給並請加蓋關防趙武德因名犯祖諱擬更名海瀾並改隸京兆大興既經該校查屬實情復有保結可證自應一併照准除將證書蓋印抄件存局外仰即分別飭遵轉給可也餘件發還此令

指令 七月二十八日

令體育研究社附設體育講習所

呈一件爲送改訂簡章懇予備案並請增加補助經費乞核示由

呈暨附件均悉該所爲預儲師資起見力求擴充用意頗堪嘉許核閱簡章大致尙合應准備案惟本局經費極形支絀各校應需之款尙難籌撥更無餘力挹注他項教育處所所請增加補助經費一節礙難照准除將簡章分送各校外合行令仰查照簡章存此令

指令 七月二十八日

令京師公立第二商業補習學校校長李志權



呈一件爲造具夜班修業期滿學生程度表請予鑒核由

呈暨附件均悉所有該校修業期滿之學生張崑蔣兆祺裘應吟董祿龐志達穆文富鄭金聲杜潤章劉鏡波等九名均准備案合亟令仰遵照表存此令

指令 八月九日

令京師公立第三十六國民學校

呈一件爲呈報續招新生歸併舊班由

呈悉該校第六班學生畢業擬請續招新生一班並將第七第八兩班同年級學生併入一學級內授課騰出教室一處續招單級一班藉資整齊編制增廣學額核係切要之舉應卽照准此令

指令 八月十四日

令京師公立第二商業補習學校校長李志權

呈一件爲擬改設英文補習班請予鑒核由

呈悉該校夜班應准改爲英文補習班俟改辦後仰將學生數暨分部教授時間表報局備查爲此令仰遵照此令

指令 八月十八日

令京師勸學員長赫春林

命 令

命 令

三十

呈一件爲呈報視察私立勗勤女學報告並覆送立案表由

呈悉查勗勤女學校呈請立案一節本局曾發原送表冊令行切實視察具報在案茲既據稱表開各項均與事實相符並教授合法成績優良應請准予立案等情前來查該校國民班業經成立應即先行准予立案定名爲京師私立勗勤國民學校除令行該校遵照並咨行警察廳保護外合行篆發校章式樣仰即轉飭刊用可也此令

指令 八月十八日

令京師南郊公立第一 高等小 學校校長博海玉

呈一件爲劃一始業請鑒核由

呈悉該校擬將三年二期春季始業學級自本年八月起改編爲三年一期以昭始業劃一所擬尙屬可行應即准予備案此令

指令 八月二十日

令京師西郊公立第五國民學校

呈一件爲呈報改編年級請核由

呈悉該校按照原定改編辦法擬將第四學年兩學級學生併爲一班所遺教室補招新生一學級並於單級班內添招一年級新生以便銜接應即准予備案此令

指令 八月二十日

令京師西郊公立第四國民學校

呈一件爲呈報開游藝會並舉行畢業式請鑒核由

呈悉該校爲開通風氣聯絡家庭起見擬開游藝會並舉行畢業式事屬可行應准照辦此令

指令 八月二十日

令京師公立第四十一國民學校

呈一件爲呈請國民二年級改編複式添招一年級新生由

呈悉該校擬就國民二年單式學級添招一年級新生改編複式以便年級銜接應准予備案此令

指令 八月二十二日

令京師私立山東中學校

呈一件爲校長丁惟魯辭職改聘劉昂充任校長附送名章乞鑒核備案由

呈暨附件均悉查六年十二月本局訓令第十四號內開各校如有更換管教各員之舉應隨時呈明詳載履歷用資審核等語早經通令各校遵照在案該校更易校長只送私用名章而於新校長之履歷並未詳細具報殊與向章不合礙難准予備案除名章存局外仰將新校長詳細履歷陳報候核此令

指令 八月三十日

命 令

命 令

三十二

令京師私立正志中學校

呈一件爲報補習班辦法並送補習生名冊乞鑒核由

呈暨名冊均悉該校爲慎重升學補救學生程度起見特設補習班用意甚善應准照辦除名冊存局外  
合亟令仰遵照此令

指令 八月三十日

令京師私立山東中學校

呈一件爲送新任校長履歷請鑒核備案由

呈暨履歷均悉該校新任校長劉昂資格尙合應准備案履歷存此令



呈教育部 七月二日

呈為撥用學費息金收入款項為局立小學添建教室建築平臺等用敬祈鑒核備案事據京師公立第十高等小學校校長董士敏呈稱竊屬校添造教室早擬動工建築奈估價未定難以着手今選定人和木廠估價做法工料共合現洋一千一百二十五元整較他處尙行平允茲將估單及教室圖一併呈上懇乞鈞局如數發給以備動工實為公便等情續據京師公立第十高等小學校校長王景禎呈稱敝校應建校舍業經鈞局派員到校視查地基面積繪就西式平台五間圖一件該圖到校之日即行按圖招工估做獨永德長木廠所估做法切實價格較低共估現洋五百七十元校內舊有房屋有須勾抹屋頂者有須修理牆壁者此項修理勾抹費共估現洋貳十三元現值雨季將近工作似宜從早此等費用可否迅與撥給以便建築理應呈請鈞局鑒核批示祇遵等情先後到局查該兩校因添招班級原有校舍不敷應用急需建築教室係屬實情所需款數仍照向例於學費息金收入項內分別照數撥交除俟造報該月學費息金四柱冊列入冊內並連同收據送核外理合先行呈請 大部鑒核備案敬呈

呈教育部 七月七日

公 牘

呈爲轉呈北京師範學校請撥臨時費爲購備各項器具之用敬祈鑒核令行以便轉知遵照事據北京師範學校校長陸鋆呈稱查本校原有學生五班年級不甚銜接本年度雖無畢業學生仍擬於暑假中添招預科一班俾相銜接惟現有教室棹椅宿舍床櫃及食堂桌凳等件僅供五班之用現既擬添招新班必須酌量添購方敷應用現招考簡章業已公佈前項器具即應先期籌備查本校七年度臨時費財政部核准爲八千元本年度雖經前後撥給尙未及半額擬請再行撥給臨時費八百元以資籌備而策進行等因並臨時費預算書二分到局除留局一分外理合檢具一分呈請 大部鑒核辦理敬呈、

教育部令

據呈已悉北京師範添招預科一班擬添購各項器具摺開預計數目爲七百零四元應准照撥仍候示期具領仰即轉行遵照此令

呈教育部 七月九日

呈爲服務員許洪綬因期滿懇請照章回部任用敬祈鑒核令示轉行遵照事據留局服務員許洪綬呈稱竊於民國二年六月二日畢業北京高等師範學校民國五年應高等文官考試及格分發教育部嗣奉部令第四二號令遵照部章規定按年服務俟期滿後再回原部辦事等因並蒙派留鈞局服務各在案查高等師範學校規程服務條文內載本科公費生之服務期限自受畢業證書之日起以六年爲限洪綬服務期限算至本年六月內業已期滿爲此懇求鈞局呈送回部實爲公便等情到局查服務員許洪綬於民國五年十一月奉令派交酌令服務並於十二月到局當將到局日期暨該員履歷呈報在案

該員此次以服務期滿請照章回部任用等情與原案相符理合呈請 大部鑒核辦理敬呈

教育部令

據呈已悉該員許洪綬既經照章服務期滿所請調回本部任用之處應即照准此令

呈教育部 八月一日

呈為彙報本年四月京師各中校收受轉學生及回校生一覽表請予鑒核備案事查本年四月學期開始迭據京師私立各中學校具報收受轉學生及回校生一覽表連同証卷抄錄証書請予核准前來詳加核閱年資程度均尚合格經局照准收受者綜計學校兩處學生都四名除証卷繳還抄件存局外理合檢同原表附繕清單彙案呈報 大部鑒核備案再私立各校具報轉學學生非表冊錯誤即憑証缺如駁改促繳頗積時日是以彙報較遲合併聲明謹呈

京師私立各中學校收受轉學生及回校生名數清單

京師私立求實中學校 第十三班二名

京師私立畿輔中學校 第十班一名

教育部令

呈表均悉查私立求實中校轉學生王樹勳何富立陳鍾琦等三名私立畿輔中校轉學生林丙東一名原校性質相符編入班次亦尚銜接應准備案仰即令知此令

公 續

呈教育部 八月四日

呈爲彙報上屆學年第三學期京師公私立各中校學生更易名籍各事項請予鑒核備案事查京師公私立各中學校學生更易名籍各節歷經本局遵奉 大部上年第八一號訓令按照學期彙報在案現屆上學年第三學期業經終止所有八年四月至七月一學期內京師公私立各中學校學生呈請更易名籍者共計學校八處學生都三十二名均經本局詳核明確准予更改并令取具切實保證附送抄件俾資徵信而便稽攷除將保證驗訖繳還抄件存局外理合繕造清表遵章彙案呈報 大部鑒核備案施行謹呈

教育部令

呈表均悉查公立第一中校學生王裕恩等三名第二中校學生傅宗熙等十三名第三中校學生興凱等二名第四中校學生戴希曾等三名私立畿輔中校學生秦汝瑛等二名安徽中校學生李得仲等二名山東中校學生段志文等六名正志中校學生胡鑫一名既經各校校長呈請更易名籍復據該局取具保證詳核明確應准備案仰即分別令知此令

呈教育部 八月五日

呈爲撥用學費息金收入款項爲局立國民學校建造房屋等用敬祈鑒核備案事據京師公立第三十國民學校校長楊崑呈稱本校添蓋教室因與第三教室距離較近現擬改在學校園地基添蓋東平台三間將學校園移在前院此項工程招工估計需用現銀一百三十三元六角又前估定西殿後廁所工



程需用現洋六十二元四角以上兩項共需現銀一百九十六元理合呈請鑒核照發以便興修而利進行等情到局查該校此次添蓋改修等項事屬切要估款亦尙核實惟有仍照各校建築撥用學費原例於學費收入項內照數撥給除俟造報該月學費息金四柱冊列入冊內並連同收據送核外理合先行呈請 大部鑒核備案敬呈

教育部令

據呈已悉該局因公立第三十國民學校改修教室等項需銀一百九十六元擬照各校建築撥用學費原例於學費收入項內照數撥給事屬可行應即照准仰仍於造送學費息金冊時詳晰報部此令

呈教育部 八月五日

呈爲本局攷選留日官費員生業經藏事謹將選取員生履歷相片願書等件報請鑒核備案并懇迅撥治裝川資各費及出洋憑照以便轉發應用事竊本局爲發展地方教育起見擬借補京師留日官費缺額以資派遣員生赴日留學業經擬具辦法呈奉 大部指令准予照辦在案查呈准辦法第二項載學習高等師範者由師範中學畢業生攷選學習工業者由中學畢業生攷選學習教育專攻科者由小學校校長教員中選拔等語除學習教育專攻者前經本局審慎選派小學校長王峯祁森煥等二員外其學習高師及工業者曾經出示招攷已於本月十八十九兩日分別學科嚴行攷試并加以口試及檢查身體計錄取合格學生邢大安關桐華金溥壇等三名現在攷選員生業經藏事亟應籌備出國事項以

便東渡從事預習查選派留學外國學生規程第五條載留學日本治裝費一百元出國川資七十元均由部在京發給第六條載選拔合格之學生須於揭曉一個月內連同最近半身相片三紙繳具留學願書呈部領憑出國各等語本局此次攷選員生王峯等五人應需治裝川資各費共計銀八百五十元該員生等現擬於八月中旬東渡即請大部迅將治裝等費連同赴日憑照撥交本局以便轉發應用理合繕造清冊并檢同願書相片等件呈報 大部鑒核備案施行再本局攷選員生除由局造冊經咨留日學生監督處查照外並請 大部令知該處遵照合併附陳謹呈

呈教育部

八月十五日

呈爲本局所轄學校房舍無可指撥確實陳明請予鑒察事奉三三二號令開准體育研究社呈稱附設講習所教室不敷懇飭京師學務局撥用相當房舍以利進行事竊本社曾於本年春間將籌擬擴充附設體育講習所辦法及簡章呈准備案並蒙特予補助經費各在案伏見大部提倡體育之意有加無已曷勝欽佩本社同人等現正阻勉籌擬進行惟是社內所佔房屋僅有六楹擴充無由現既遵照學校規程改爲冬日教授並加增內堂工課以期養成完善師資而教室及休息室均屬缺乏現距開學期限僅有月餘各省選送生徒已不乏人心餘力絀進行維難查京師學務局所屬中小各學校頗有餘屋堪資撥用者用敢仰懇大部轉飭該局迅予指撥相當房屋俾速籌進行等情到部查該社所陳各節尙屬實情該局如有相當房舍仰即量予撥用合亟令行該局知照可也此令等因奉此查體育社向係借用西

四牌樓北柳樹井路西公立第一公衆補習學校南院東西房各三間緣該校限於經費一時未能如量擴充故暫可借用至此外所屬中小各學校限於地址不能發展者甚多且多係出於租賃如有官房公產本局尙欲借撥實無餘地可借卽如補習學校之房亦僅此南院之六間暫時可以借用此外北院有房四合其北房容量較大光線較好作兒童圖書館其南房爲遊戲室西房爲飲茶休息室東房後面與大街相向作爲各學校成績品販賣部街門內之北房作爲職員辦公室暨門房此項適宜配用無可變更指撥一層碍難辦到合將無可指撥之實在情形確實陳明謹呈

呈教育部 八月十六日

呈爲轉報私立尙義女子師範學校插班生一覽表請予鑒核備案事查本年四月學期開始京師私立尙義女子師範學校收受預科插班生一名於本年六月間具報表冊連同試卷請予核准前來經局核閱試驗成績尙屬合格惟填造表冊多未合法當卽加簽繳改茲據該校造報改正表冊到局理合遵依師範學校規程第五十一條之規定檢同原表一冊轉予呈報 大部鑒核備案施行謹呈

教育部令

呈表均悉查該校預科插班生歐嫻婉一名既經該局核閱試驗成績尙屬合格應准備案仰卽轉令知照可也此令

咨步軍統領

第一四號  
七月八日

爲咨請事案查本局凡准立案之各國民學校其設立地點在郊外各區者均經隨時查明 貴公署查

公 牘

七

照在案茲查有京師東郊私立第十國民學校設在左安汛十里河村北頭路西京師東郊私立第十一國民學校設在左安汛楊家園均於本年七月八日呈經本局核准立案相應咨請貴公署轉行該管營汛以便調查而資保護實緝公誼此咨

咨京師警察總監 第一五號  
七月二十二日

為咨行事查童子軍之主旨在實施道德訓練以養成良善之習慣並公忠愛國之精神裨益青年德性實非淺鮮彼歐美諸邦創行已久成效卓著我國各省近亦逐漸仿辦本局為發展京師童子軍教育起見特召集京師各學校童子軍團組織京師童子軍聯合會以為統一之機關業經呈報 教育部備案茲查有童子軍團十三處均經京師童子軍聯合會核准立案相應開列各團所在學校地址咨請 貴廳轉行各該管區署以便調查而資保護實緝公誼此咨

咨京師稅務公署 第一六號  
八月五日

為咨報事京師公立第四女子高等小學校現購民房一所坐落西直門內大街路南錢房兩清訂立契約現由該校將契單等件送局茲檢具該件附送契紙費五角咨報 貴署查核備案即請隨發免稅契紙藉重公產此咨

咨京師警察總監 第一八號  
八月十八日

為咨行事案查京師城內各區學校凡經本局核准立案者歷經咨請 貴廳轉飭該管區署隨時保護

在案茲查地安門外舊鼓樓大街娘娘廟街內設有京師私立勗勤國民學校於八月十八日經本局核准立案相應咨請 貴廳轉行該管區署查照實緝公誼此咨

咨步軍統領 第二〇號  
八月三十日

為咨請事據 郊外北區勗勤學員包庸 呈稱竊於民國七年五月經郊外北區勗學員包庸北郊公立第二國民學校籌辦員鍾錫嘏會同北營遊擊呂得祥與大屯村會首蕭忠于常隆李東來等商借

本村公產太清觀地址創辦北郊公立第二國民學校業經會首公同認可立有文約今年七月添設新班業蒙貴局照准因內院房屋不敷應用乃向會首于常隆等依前議借用前院東耳房三間作為教員及校役寢室已蒙該會首事人等公同應允至開工修理之先該村會首另行改組不意新會首中有反對學校者三四人因與舊會首意見不合致將維持學校之人排擠出會本校復向新會首商借房屋該會首等陽為應允意在金錢至本月七日開工時唆使村中匪人撞鐘聚眾蜂擁入院藉以勒索房租錫嘏見來勢兇惡恐有意外之虞遂赴北營安定汛公署呈報蒙前任守備房榮委派巡緝官楊彪來校調和該會首等當時認可並無異議孰料該會首等又在左翼總兵宅內呈遞公稟聲稱本校搗毀佛像霸佔房屋意圖推翻前議另行議租本月二十日上午十時有提署四郊總局科員及新任守備高德山偕同參府兵弁來校查驗一切並無搗毀佛像及霸佔情形而該會首等仍不肯干休在外揚言如學校不認房租即將廟產收回使學校不得成立查國民學校令第四條自治區設立國民學校其校數以足容

第 一 卷 第 四 號

本區兒童爲准又第四十一條區立國民學校之經費由自治區擔負之又京師勸學辦公處辦事規則第三條隨時調查地方公共財產及處所遇有可以擴充學務者呈報京師學務局核辦各等語是地方教育當然由本地方自行籌款設立學校教育兒童地方公產當然有供給設立學校之義務今該村既不能自行籌款設學乃由國家代爲設立該廟既係本村公產卽應收歸學校乃並未遽行收用且與該村董事等立有借約爲該村謀者亦可謂仁至義盡矣該首事等應如何感激相助爲理以謀教育之進行乃竟各懷意見百端破壞動輒聚衆要挾如不早爲懲警於推廣郊外地方教育障害殊多再四思維殊乏防禦之策惟有懇求鈞局轉咨提署飭行該管營汛實力保護以警愚頑而維教育等情到局查該校勸學員長所稱村中匪人蜂擁入院索租故意逞兇於學校秩序關係極重務懇 貴署轉飭該管營汛隨時盡力保護實深紉感此咨

致京師警察廳公函 第二二二號  
七月三十日

逕復者准函詢趙凱旋在西四牌樓寶禪寺街廣善寺內設立英文算術專修社一處是否呈局准予試辦等因查趙凱旋設立之英文算術專修社并未呈由本局准其試辦相應函復即希查照此致

致北師 教育會  
師範附屬小學校 函 八月七日

逕啓者茲准 教育部普通教育司函開本部前定徵集優良小學成績辦法通行各省查照辦理在案嗣由本部依據徵集手續第一次發表認爲優良小學者計十一校現經分別彙印成帙相應檢同四本

函請貴局查照轉發所屬各師範學校附屬小學校及北京教育會用卷參攷俾便觀摩等因到局合行檢同原件二册函送 貴會 校查閱此致

致國立北京大學學生講演團函 七月十六日

逕復者接准來函并簡章均悉所商假用前門大街東安門大街兩講演所每所每週講演三次查該兩所講演鐘點與來函所擬鐘點尙無衝突應准假用惟所用旗幟與佩帶識別請畫式樣送局以憑轉知經理員識認接洽至前往講演日期自本星期五六兩日開始可也此復

批 第一七號  
七月四日

原具呈人張巽甫

呈一件爲設立上義師範學校附送表册祈鑒核立案由

呈覽表册均悉查二年六月本局布告第五十號附開教會人民設學立案特別規定辦法八條內載一校地校舍須與教會地址劃分清晰即有權就教會附近堂室設學者亦應將學校所佔房舍作爲學校借用或租賃一學校經費有出自教會捐助者應作爲學校寄附金之一種不得認爲由教會擔任經費或補助一學校內講授功課不宜涉及宗教論說亦不得沿用宗教儀式各等語前據視察員報告該校校址即聖母文學會會址所有該校經費完全由聖母文學會供給職教員及學生均有着教會制服者講室釘有十字架禮堂即爲教會中之瞻禮堂等情查該校各項辦法按照本局對於教會人民設學之

規定殊有未合所請立案之處礙難照准合亟批示仰即遵照表冊發還此批

批 第一八號  
七月十日

原具呈人艾雯粹

呈一件爲設立英算專修科附送章程履歷請鑒核備案由

呈暨附件均悉查此項專修科不隸學校範圍應按照學校系統外各項教育處所備案辦法逕赴京師

勸學辦公處領表紙填報該處聽候視查轉呈核辦合亟批示仰即遵照章程履歷存此批

批 第一九號  
七月十五日

原具呈人楊壽壁

呈一件爲設立女子美術學校附送簡章請予立案由

呈暨附件均悉該具呈人自籌經費設立斯校係爲培養女子實業上之智識技能用意頗堪嘉許惟此

項學校不在部定學校系統之內應按學校系統外各項教育處所備案辦法逕赴勸學辦公處領取表

紙填報該處聽候視察轉呈核辦合行批示仰即遵照簡章存此批

批 第二一號  
七月三十一日

原具呈人許學源

呈一件爲設立覺民中小學校附送教員履歷請予立案由



呈暨附件均悉查中學校令施行規則第三十七條載設立中學校依中學校令第七條呈請教育總長認可時應開具事項如左一名稱二位置三學則四學生定額五學生納費額六開校年月七經費及維持之方法八校長教員之姓名及履歷前項第二款位置應加具圖說備載校地之面積地質校舍及各場所之區域面積并附近狀況飲用水之性質等語該具呈人設立中學於前列之第二三四五各款均未遵章具報殊有未合碍難轉呈立案茲檢發中學校令及施行規則各一本并部局歷年頒布之各項文件表紙仰即查照各項規章遵式填報再行核辦至附設小學立案一節應赴京師勸學辦公處領取規章填報該處聽候視查轉呈核辦合行批示仰即遵照履歷存此批

批 第二〇號  
八月一日

原具呈人京師中小學校體育公會主任王道元

呈一件爲擬設體操講習會懇請備案并予補助由

呈暨簡章均悉查京師小學教員講習會業經舉辦三次但於體操一項尙付闕如茲據該會呈請各節具見熱心提倡於增進小學教員之知識技能裨益匪淺所擬簡章大致妥善應即准予備業惟本局學款支絀異常所請酌量補給經費一節應從緩議除由本局印發原送簡章令行各校人員赴本局報名以便彙送會員到會聽講外合行批仰知悉簡章存案此批

批 第二二號  
八月二十日

公 牘

原具呈人上海商務印書館經理高鳳池

呈一件爲新編複式學級用書請通飭採用由

據呈已悉該館呈送新編複式教科書及教授書樣本請予通飭各校等情到局查各校複式學級向無適當用書勉強遷就久稱不便茲既據稱各節前來應即准予通知各校採用以示提倡除令行各校知照外合行批仰知悉此批

批 第二四號  
八月二十日

原具呈人關奎庚

呈一件爲設立銀行業務講習所附送簡章乞核示由

呈暨附件俱悉該具呈人爲傳授銀行知識設所講習用意甚善惟此項講習所不在學校系統之內應按照學校系統外各項教育處所備案辦法逕赴勸學辦公處領取表紙填報該處聽候視察轉呈核辦合行批示仰即遵照簡章存此批

批 第二五號  
八月三十日

原具呈人黃潤續

呈一件爲設立英語研究社請予立案由

呈悉此項研究社不在學校系統之內向不由局立案應照學校系統外各項教育處所備案辦法逕赴

勸學辦公處領取表紙填報該處聽候核辦合行批示仰即遵照此批

布告 第一一號  
七月二十二日

爲布告事本局攷選留日學生業於本月十八十九兩日舉行試驗在案茲經詳閱試卷評定甲乙計取邢大安等三名合將各生姓名開列於後仰該生等於本月二十五日上午九時來局接洽此布

計開

邢大安 關桐華 金溥堉

布告 第一三號  
七月二十三日

本局擬考選上海中華職業學校職業教員養成科公費生五名資格以師範或中學畢業者爲限又擬代招該校普通科自費生八名資格以高小畢業者爲限如有志願應考者請自七月二十五日起至八月二日止每日上午八時至十二時逕赴本局索閱簡章以便報名可也特此布告

布告 第一四號  
八月二十六日

爲布告事查本局攷送上海中華職業學校職業教員養成科公費學生業於本月二十一日舉行試驗在案茲將各科試卷詳加核閱評定甲乙計錄取合格學生梁德玟等五名除俟赴滬定有準期再行通知外合將錄取各生姓名列榜宣示俾衆週知此布

計開

公 牘

發 冊

十六

梁德玟 江正先 李傳鹿 趙壽春 辛景文

通知書 八月十五日

爲通知事查本局呈准留日學生暫行辦法內開學習教育專攻者二人由小學校校長教員中選拔茲按照辦法派定京師公立第二十二高等小學校兼國民學校校長王祁森煥前往日本留學仰即遵照可也特此通知

## ●平民教育報廣告

本報旨在發揮平民主義提倡新教育每週出一號每號銅元二枚京外二分半年二十六號半元全年五十二號一元郵票代價不扣但限三分以內

發行所 北京高等師範學校平民教育社

# 報 告

## 參觀蘇省小學教育報告(續第三期)

### 上海尚公小學校概況

#### 甲 編制

國民科一二三四各一級高等科一二三各一級均係單式編制另有國民三四複式一級

#### 乙 教授

時間分配上午教授三時休息時間不等第一時休息十分第二時則十五分第三時二十分下午亦然該校爲商務印書館設立故用書均取自本館教授之主張則於讀法算術等科實行分團教授於各科之中趨重職業之陶冶以期幼學長行不致畢業後見擯於社會也分團教授取學級教授參加個別教授法分團之法則國民一二年至多分爲兩組其目的在補助劣等兒童其漸趨於中等高年級則分組略多優劣之判定雖平時教授已知其梗概然恐失諸誤認必施以下列各項之觀察一觀念正確若何二類化力若何三記憶力若何四想像力若何五思考力若何六概念構成若何七斷定力若何八推理力若何以此八項觀察之後優等在八十分以上中等在六十分以上劣等生在六十分以下每項則定

爲十二分至綴法之優中劣等兒似可按照平時成績無需乎調察然平時所命之題不含調查性質並各人時間之長短亦不一律故特定一題施以一度之調察以調察成績作全分數二分之一以平時成績作全分數二分之一一視其思路一視其行文一視其別字誤字一視其所需時間庶幾優劣之判稍有把握算術教授法則取全級同教材之齊一教授於練習時間實行分團其教材之選擇則於教科書中有所加減增加者如關於鄉土之材料關於直觀之材料及關於興味豐富之材料刪減者如不切於日常應用之教材小數位過多之教材及無意識之問題其教材之配當則中等兒童課以所用算術書之全部優等兒課以算術書之全部及教師所用算術書之全部或十分之幾劣等兒童課以算術書中基本教材及練習題之一部其繁複者得省畧之此外各科教授之順序及分團之詳細方法另有著述今已刊行

### 丙 訓練

訓練之方法必有切實之調察然後因人而發因事爲宜方歸有效調察有二要件一須考察個性二須考察境遇因其個性而矯正之因其境遇而感化之復加以教師以身作則啓兒童之信仰則訓練方法或冀收良好之果也至訓練之實施則用種種積極方法啓其自覺心競爭心及責任心事事求其自治自助教師隨時隨事補助之則不勞而見效矣課外更設學生新聞學級新聞及童子軍工作商店實習等事項以鍛鍊其作事之能力任學生之所喜而擔任服務不加以限制也畢業生之聯絡有同學會統

轉之

### 江蘇省立第二師範附屬小學校概況

甲、編制

校分二部，第一部八級國民四級高等三級均單式編制職業甲科一級專習商業第二部無單式級國一二複式一級國三四複式一級國民單級一級職業乙科一級專習工業

乙、教授

各科教授概有定程並編定要目循序而進基本科各級酌行分團教授優劣團體位次顯然分明而個人優劣教師並不發表恐減少學生之努力也最低團之尤劣者更於課外特別補助之高等科讀法生字句不一時全體提出由學生段讀時摘出公同訂正音意所以應學子之要求心也段講時教師將大段文字分爲數小段指名講解以免講解時語氣句讀不聯貫之弊國一讀法應用練習先使背讀背講然後背講通篇大意行共同訂正次練習寫法由教師口念課文學生默寫於石版上教師行巡視訂正焉職業甲科以商業爲中心教科乙科則以工作爲標準工作種類限於木工漆工上學年所習之木工第二學年則漆成之以資聯絡無修身科在課外講授工業道德以期實踐所製物品花樣翻新不肯抄襲舊套也各級之修身教法國民一二年注意令兒童實踐之事項反復引申之以確道德觀念之造成至國三四則使兒童判斷所授事項之要點以啓其善善惡惡之心並指導實踐之法高等科則注意偶

第一卷 一 第  
發事項之判斷焉國文科分團教授優等生多行自動中等生多互相質問教師於此時可以補助劣等生而三組可以並進應用練習時優組整理段落大意且列表表明之中組只默寫文字語句及擇選詞類劣組只暗寫文字語句剖析難句以強其記憶音樂科每時必有校歌之練習最後必有踏步練習以爲舞蹈進行之基礎高等科綴法注重實用文字如借貸條據及普通書札等皆依要目進行而隨時加以時事材料

### 丙 訓練

訓練主義注重自然活動每日有二監護教員監護下課後一切舉動每日朝會午會課二分間體操週會則行訓話學校清潔均由學生隨時洒掃不依賴校役也學生勤勉異常者於畢業時留其像片懸於廊外以勉來者並立校友會以聯絡校友之感情童子軍設有訓練室專爲關於童子軍訓練之用

### 丁 課外作業

學生立有自治會一切事項均由學生主持會中概分數部關於學術者則有補習會講演會學藝會閱書會學生報書畫會音樂會等關於運動者則有運動會遠足會關於娛樂者則有小植物園小動物院小博物院與俱樂部至校中洒掃與遺失物品等之處理亦皆仰賴於學子

### 上海圖畫美術學校概況

校爲武進劉氏所創設已八閱寒暑矣概分三部曰正科習各種圖畫修業期限定爲三年曰師範科專



爲造就高等小學圖畫專科教員修業期限定一年日函授部專爲有志學習美術而不妨其原來之職業者所設本部分甲乙二部部分四科報名者聽其自選科目選定一科不得中止或改習他科也訓練取嚴格主義以養純靜之美德庭院戶宇隨處揭示格言以爲舉止之楷模住宿生並設舍監以監護一切每月行全體訓話兩次以統一德目焉教室凡六普通教室二圖畫教室四因圖畫種類而異其教室以求適用焉每日教授五時除略授倫理學美術史外均圖畫時間課程以鉛筆水彩油畫爲主中國畫則不在教授範圍內郊外寫生有寫生隊由校長指定率領人按定章舉行之夜間自修並補習英文以資應用課外則有運動展覽販賣等事項以活動身心教室桌椅皆圓周式因教室中有柱即利用之以爲設寫生標本之臺四面得以摹寫之

### 上海清心實業學校概况

校之創設幾六十年畢業生徒多爲商界之中堅人物今漸次擴充已分三部所參觀者則男子部也教室支配不露排列經營之象每室容納只十數人黑板教具率無定格自製教具多具匠心是教師自出花樣而使木匠製造者手工唱歌理科皆有特別教室理科實驗由學子自動儀器藥品甚完備教授方面則教材之支配注重英文國文商業工作等工作物品多運動器具及日用靈巧物品其主旨在開發心思活動筋肉而非欲造成多數之工人也養護方面極注重個人衛生宿舍小而容人多故不許設帳以流通空氣帳上設書架衣櫥以免牀下堆置易積塵垢更造活動之小桌不用時則置於帳架之旁

以免室中狹窄不堪之弊焉

### 滬西尚德小學校概況

校爲張蟾芬君個人之經營不受他方之干涉教材之支配注重英文國文算術三者求實用也各科成績每日自行檢查一門以觀成績之良否及教師改筆之精粗期互進也每星期一、日教員會議短長各抒意見以求校事之改良訓練方面注意涵養高尚之德操清潔之習慣每週有三次之檢查視學生有無潔淨之手帕以爲承涕拭垢之用衣冠亦務求清潔不事奢華違背者不事姑息也校中附設英文夜班由張君擔任教授以所收束脩爲小學之補助費竭誠盡忠以苦爲樂堪欽佩也每星期六日下午無課以爲教員處理私務之時間示優異也近更發起浦東電氣公司醵資成立以爲畢業生謀生之地幼而學長而行職業教育之旨達矣

### 上海且華小學校概況

#### 甲 教材之支配

算術用俞子夷所輯之新體算術本取其材料豐裕也一時間內三之二爲主要材料優劣組行同樣教授三之一爲補充材料因主要材料優組生已練習完畢而劣組生尙在演習或求教師補助之際即提出補充材料使優組自動練習之補充材料之取材務求豐富以資應用所演題目不能專專仰仗教科書也算術教材至國三即完全教畢國四則純習珠算以求合於生活教育之主旨國民三四年更增加

英語科其程度與高小相埒應社會之要求也至各科教授時間則國文讀法五十分鐘算術四十五分鐘其餘各科皆四十分也

### 乙 分團教授

因校址稍形偏僻入學兒童程度不能畫一故各級均行分團式教授以期優劣並進分團以國文算術爲基本其餘科目隨時斟酌之國民一年生初入學時本無優劣之分卽行同樣教授而調察其成績之良痞至第二學期則優劣之跡似稍有把握乃爲之分團而其目的則在促劣組追步優組能同升入第二學年其程度本無大懸殊也至第二學年則顯明分團而學生進退不能固定乃每週調察一次視成績之進退另爲分組以啓其競爭之心調察時往往以算術爲主教師出題若干限一定時間繳卷所得分數記之於調察簿而後判定其優劣以升降之國三四年程度已有甚大之懸殊則獎勵各團中之競爭一團之中復有優劣之分優劣互競各自努力學識既有進步優劣組之衝突亦復減少蓋優組之中復有優劣之競進卽無心輕視劣組且無暇顧及劣組之舉動劣組之中亦有優劣之爭則各自努力興趣油然而致有妬視優組之心且免自己灰心自棄之弊是善於積極獎勵者也分團至多以三組爲限中等兒童名爲中堅團較難課程則中與劣合而優者獨立較易課程則優與中合而劣者獨立既足以省教者之手續復足啓互相扶助之意也團有團長優中組自動時團長卽輔助一切教師可以專心致意於劣組算術之訂正尤多仰賴團長焉國文算術兩科每日各級均同時教授所以使劣組之最劣者

至下一級學習以求程度之相合而春季始業之劣等生則延長其修業期限使與秋季始業者同畢業不必另設補習班也綴法題目學期內預定數單元連續揭示而異其方法應用文字則有書信廣告等體裁每大單元首次題目多共同述作聚全級之思想集腋成裘各自抄錄第二次之題目仍爲此次之變象則兒童心目中已略有見解自然易於仿效也

### 丙 訓練

訓練方法注重積極獎勵各級之修飾與校事之整理多聽學生意思之所向教師爲之矯正焉學生有所籌備教師每捐金以助之以濃厚其興味而增加師生之感情全校無校訓就各級之特性與學校之德目定爲級訓每日首課時級長朗誦級訓全級靜坐省察之下午課畢復行靜坐反省一日之過錯而自道之學友共同評判其行爲之良否以冀其改過自新教師不加以判斷詞也全校視如一小社會教師與學生均爲市民一市事務卽由師生共同主持之各機關之主事亦得師生共任之養其責任心也關於世事之輸入則有學生報日出一紙稿由學生投遞教師刪改之至養其看報之能力則教師時爲時事之引導而使於新聞上求得其詳細原因不明瞭者教師復爲之講解蓋國民生文字程度本甚低也各級之獎勵則有模範學級之匾額各級競爭之以爲榮譽而學級外之作業亦復盡心爲之洒掃等事可以不賴校役矣

### 萬竹小學校概況

甲 編 制

分男女二部男子部國民八級乙種商業科二級女子部國民八級補修科二級共二十級均係單式編

制

乙 教 授

取自學輔導主義注重有興味之啓發國文教授務求簡要而有統系且重分段法分解剖析或列表以述明之使兒童概覽一過即可得文中要領繼授以虛字使用法段落虛字既明然後教以練句結構諸法務使兒童切實領悟蓋章節爲文中骨骼皮肉附之而存焉文字雖連篇累牘如巨海汪洋然層次曲折自有系統可尋故段落剖析極關緊要也至國一二年級尤求言文一致修身注重實踐於應對之禮法尤爲注意算術注重速算心算及日常應用之問題商業科於心算珠算尤爲注意分團教授由各級級任教員斟酌行之以基本科爲主

丙 訓 練

在教室內取嚴格主義教室外可任其自由全校訓育之方針因男女兒童個性不同故取旨略異勤勉親愛剛直爲男子部全體訓育之方針純樸信愛奮勉爲女子部全體訓育之方針遇有偶發事項及關於重要事件發生時校長行全體訓話各級訓話由級任教員不時施之個人訓話亦由教師行之但不使多人聞見訓育特別注意者如新入學生與他校轉來之學生必詳察其原來之習慣以矯正之平時

學生之動作則不濫加干涉而多方引導期爲活潑能作事之青年也

丁 兒童之服務及課外作業

各級有級長值日生監茶生分任整頓各級之清潔及注意茶之溫度與清潔等事出校有路長護送同路之人歸家勿於途中爲非禮之舉動至商業實踐則有萬竹商店以爲練習之地一切佈置如市上商店商業科學生輪值司理之其資本則由校友集股關於商店進行事項股東得開會議決定之

省立第一師範附屬小學校概況

甲 編制

國民八級春季始業者四級秋季始業者四級純依單式編制高等四級高一兩級高二三各一級教室之支配取美人克蘭氏編制法普通教室凡七其餘爲專科教室手工教室有二一爲木工場一爲普通工場美術室有二實驗室一唱歌室一談話室一各級無固定教室隨課程移動焉

乙 教授

教材之選擇國民級讀法均由教師選撰每兩週舉行教材會議議定教材以備應用以鄉土爲中心教科求適於兒童環境之觀察也高等科手工圖畫等均注意於實用高三手工專習木工以爲職業教育之基礎史地科教材按要目教授以中國圖書公司出版之小學史地教科書爲必要的參考書至各科教材之去取教授方法之改進均由擔任教員隨時討論研究有所心得則刊成雜誌以供教育界之參

考焉教師評定學子之優劣行分團教授每月考察一次有進步者提升否則降黜以啓兒童奮勉之心一級之中雖顯然分組而有所發問仍顧及全級絕無輕視低能生之意思高等科每週之國文英語算術時間均相同不過一時之長短不同以求符合部章此三科即各級同時則高二三劣等生可至高一聽講而高一之優秀學子可至高二受課故算術時間均在下午雖未盡合教育原理而求時間之齊整亦不得不出此途也至低能生之畢業時基本科學不能畢業則延長其畢業期限使自行補習然後自請補考隨時可允許其畢業也國四讀法質問應答之時兒童應答爭先恐後頗極踴躍指名段講共同訂正兒童更靜聽錯謬無敢作聲者一動一靜知兒童要求之心頗懇切也段講後指名通講而後指名美讀均行共同訂正然後使劣等生練習讀講層次井然國二算術練習心算遂即說出題理並提出問題證明之教法頗簡練也演算之時獎勵迅速一時間演題甚多劣等生則隨其能力而減少其題目指名板演共同判定對否教師以背遮板上算式使學子說出得數然後與板上相比較問答之際無板滯之氣高二地理筆記要項時所提出要項均關於地理上重要問題並含有政治上之意味使學子按題觀察而後筆記之啓發處頗具激發之意而無瑣屑之弊也各級綴法注意日用文書法則國民級多書成語格言等既爲書法之練習復爲道德之輸入也春季始業國二級算術練習心算用聯絡法因昨日所習題而縮短之以引其舊觀念因心算題即引起式子題之算法一氣貫通無顯然之痕迹學子不知不覺而思想爲之活動高等科音樂時教英文歌曲教師範唱極悠揚頓錯之致而高等科學子正在音

滯變化之時似嫌其音調太高也高等科手工注意木工國民科則注重土產物之製作求便於觀察參考也學業之獎勵兒童家庭預習充分者至校中自然應答如流已得天然之褒獎教師復加以勉勵之詞其努力前進不待龜筮也各級學業之優良者由擔任教師就所喜愛之級給以團體獎品至學校之給予獎狀則僅限於作業勤勉與學業超衆者焉

丙 課外教授

自國民三四年起課外習裁縫烹飪園藝商業四科每人任入一部該部畢業更入他部以求普及高等科擬設二十四種科目以爲科外之學習現在實行者只有救急衛生家禽測量烹飪商業六事均童子軍之補充材料也半年學畢一科至高等畢業則獲得六種特殊之知識技能法至善也此外更有工藝之實習練習時間乃自三十分至八十分所習材料純爲木工國民級有講演會爲練習口才學習國語之機會

丁 訓練

每星期三日舉行週會由主任訓話多關於偶發事項之判斷及命令之頒布訓話之後學子自行表現思想及學科之心得各級按次進行每週限一級焉更有部分週會利用修身科時間合兩級或三級行特別之訓話或談話表現或請校外人演說以爲佈置儀式等之練習及知識道德輸入之機會校中一切設施取市鄉制度有市政廳掌行政之權有市議會掌市政之釐定有市圖書館販賣處以便於課外



之參考及學用品之購置更擬設置儲蓄銀行工廠醫院等以練習一切而原有之巡察團亦將併入市政廳其制度如警察焉市定名曰三尙取崇尙智仁勇三德及自由平等博愛三義也全體學友作為市民其自治處理之事項凡七綱一本市之學務包括學藝會體育會圖書館及博物館等事項二本市之衛生包括教室清潔公共所在之清潔飲食檢察醫院公園等事項三本市之工程包括公共場所之裝修公共器械之修作及水利等事項四本市之農工商包括懇荒種植畜養商店銀行工藝品製造等事項五本市之治安包括巡察團消防隊等事項六本市之善舉包括公益捐助及恤貧等事項凡以上事項均由全體會議議決之後呈報校職員會查核後交政廳按章執行宛如國家之參眾兩院焉

北京高等師範學校

數學理雜誌

報  
告

改  
良

擴  
充

宣  
言

本誌向例年出兩期材料豐富取材新穎茲鑒於外國數理之學日新月異本國人士漸有研究數理之覺悟非將本誌大加擴充不足以達本會提倡數理之目的茲定前四期為第一卷從本年起年出一卷卷共四期雜誌內容亦大加改良其較著者概舉如左

- 一、寔踐的數理教授法
  - 二、數理研究法
  - 三、數理之根本問題
  - 四、最近數理新學說及其傾向
  - 五、數理界新聞
  - 六、數理的發達沿革
  - 七、初等數理資料
  - 八、名人著作
  - 九、名人講演
  - 十、通信討論
- 會外投稿及通信（無論學理之討論或批評本誌）均所歡迎
- 北京高師數理學會啓

發行處

第二卷第一期要目

價目

每年二角郵費二分半  
全年四期八角免郵費  
郵票代錢不折不扣  
前定雜誌者依新舊價目扣合代售另議

- 什麼叫做數學
- 數之性質及其意義（數論一）
- 平行論
- 三角形幾何學
- 幾何學上三大問題之歸宿
- 物理量釋義
- 力與功用及工率間之關係
- 數學夢
- 初等數學直觀教材
- 馮漢淑先生著微分方程
- 北京物理學會演講錄
- 雜錄

總發行處北京高等師範數理學會  
代售處本校工學會  
書報販賣部  
各數理學會  
各書坊

紀 載

京師學務局補助北京地方學務經費中華民國八年七月分支出計算書

支出經常門

上月分結存數 三四、二二八  
 本月分實領數八月二十三日 一五、四〇〇、〇〇〇  
 本月分結存數 五七、三三三

科 目	本月分支出	本月分支出	比 較	備 考
	付 預 算 數	出 計 算 數		
第 一 項 京 師 學 務 局 補 助 北 京 地 方 學 務 經 費	三〇、九五〇、〇〇〇	三〇、七六八、八五五	一七三、一四五	
第 一 日 京 師 勸 學 經 費	一、三〇〇、〇〇〇	一、三三三、〇〇〇	八、〇〇〇	收據第一號
第 二 日 中 學 校 經 費	八、三三〇、〇〇〇	七、六六二、三八九	五、七六二	收據第二號至第十一號
第 一 節 中 學 校 經 費	五、九六〇、〇〇〇	六、三七〇、〇〇〇		
第 二 節 女 子 中 學 校 經 費	二、二七〇、〇〇〇	一、二九二、三八九		
第 三 日 小 學 校 經 費	一、九九五〇、〇〇〇	二〇、二三二、八三六	一八二、八三六	收據第十二號至第一百三十六號

紀 載

第一節國民學校經費	六八〇,〇〇〇	四,四五四,六〇〇			
第二節 <small>兼高等小學校</small> 經費	九六〇,〇〇〇	一一,四二二,七三六			
第三節 <small>兼女子高等小學校</small> 經費	一一〇,〇〇〇	一,九七八,五〇〇			
第四節乙種實業學校經費	七五〇,〇〇〇	六七〇,〇〇〇			
第六節 <small>補助學校及教育處所</small> 經費	八〇〇,〇〇〇	一,六一六,〇〇〇			
第四目通俗教育經費	一,五五〇,〇〇〇	一,七七〇,六三〇	三三〇,六三〇		收據第一百三十九號 至第一百七十三號
第一節講演所經費	九七六,〇〇〇	一,〇五一,〇〇〇			
第二節閱書報處經費	七四,〇〇〇	五二,〇〇〇			
第三節補習學校經費	五〇〇,〇〇〇	六六七,六三〇			

本月分支出合計

三〇,七七六,八五五

總計支出

三〇,七七六,八五五

支出臨時門

上月分結數不敷銀

三九七,一二二

本月分實領數

無

本月分不敷銀

三九七、一二一

第 目	第 項	科 目
		出本月 計分數 支備
		考

## 實用氣象學出版廣告

本書注意實地測驗所述方法極簡易明瞭以氣象學術得以普及為宗旨全書共十八章約五萬言附列精圖數幅及氣象常用表十數種為研究氣象者所必需每冊價洋一元二角郵費三分

發行所中央觀象臺

紀 載

三

# 中央觀象臺刊行

吾國臺官於曆象之學向持秘密主義所謂疇人子弟官宿其業者也本臺力矯前弊凡有所得願與當世天學巨子共討論之且研求象數參究天人淺之可以破除社會一切之迷信深之可以養成人羣超逸之遐思為普通專門各教育樹其基礎亦救時之一術也爰

特創辦本報備載關於天文歷

## 觀象叢報

數氣象磁  
力地震各  
譯著及報  
告月刊一

冊約六萬言材料豐富印訂精良刊行已滿三周期現仍廣續出版除詳由教育部咨行各省通飭所屬各學校一體購閱外有願定購及承銷者請速通函本臺接洽可也報費先繳空函訂閱恕不答復凡可通匯兌之處一律收用現銀不得以郵票作抵

每冊二分五角	分預定半年一冊四角	全二十冊二元五角	價目
郵費每冊	北京城二分	各省三分	外國十分
北京及各地	崇文門內	子河中央觀象臺	發行所
北京及各地	商務印書館	中華書局	總發售處











譯 述

學校衛生

Schulhygiene

(續)

李策安

第二節 精神上之保護

精神上之保護。在實施上。極爲困難。此種純屬抽象的作用。與教育衛生。至爲關切者。吾人欲實施精神上之保護。如精神健全法。精神病預防法等。必先審辨個人固有之精神狀態。即所謂天賦之性質。然性質雖由天賦。却可由人爲改善之。健全法預防法等。即自人力表著於實際者也。然關於性質上之研究。今代當屬幼稚。昔者希臘學者荷連 *Hellen* 氏。自生理上所定性質之分類。約分四種。即別爲多血質。膽液質。神經質。粘液質。迄至今日。亦無出於此者。性質研究之難。蓋可知矣。夫人各異其性。非能儼然統一。殆由各人生理狀態之不同。亦頗關涉。是以荷連氏分爲四項。雖不敢謂爲朦混牽強之說。然亦非真確不磨之論也。茲畧述此四端如下。

多血質 其性質富於感情。對待一切事物。極易感動。其反動力雖亦極速。而非爲極強。常乏恆心。舉動易陷於輕浮。此性質自年齡言之。多近於少年之氣質。西方法人多類此。東方則日本人亦相近焉。其體質多屬強壯。富於脂肪。面色微紅。眼珠突出。或形平坦。其鼻端圓。口唇厚。頸粗。皮膚有光澤。而多汗。髮粗

而硬。鬚髻亦然。手足溫暖。皮膚粘膜多紅色。此多血質一般之特貌也。體質雖稱強健。然其中有一種特殊徵。名曰卒中質。蓋頸既粗且較短。與身體之肥胖甚不均衡。體格之長闊。又頗不均。故有易患中風症之性質。是吾人所須注意者也。此外胸廓似洋樽狀。即胸之前後徑與左右徑。不甚相差。此種人易患肺炎。

膽液質——其性質對於外界之事物。極冷淡。恆心較富。遇事有冒險進取之性。百折不撓之決心。然有輕蔑他人之僻。此性質近似壯年。英人大率類是。我國人亦富此性質。與後述之粘液質中混合質。概為壯偉。而少脂肪。面色蒼黑。眼球凹陷。頸長而皮膚無光。汗液較寡。毛髮柔軟。全身黑色。胆液質之特點。即皮膚灰黑。眼珠凹陷。體不肥胖是也。

神經質——此畧似多血質人。但對於事物之反動力。較形遲鈍。其平生所經過之事蹟。概不易忘。常發不恆之感情。智識較伶俐於他質。遇事周到無遺。古之能於任事之人。多屬此質。唯乏決斷力者。實此質人之一大缺點也。概言之。婦女稟賦此質者最多。其體格則非偉壯。羸瘦而細長。面尖色白。帶青黑色者亦有之。眼球凹陷有光。鼻端尖銳。口唇薄。頸亦細長。手指足趾均細而冷。全體觀之。較膽液質更形瘦弱。故多虛弱之體質。並有一種名曰癆瘵質者。其指頭如洋鼓槌。自肩胛至上腕之一部。生有柔毛。每患咽喉病。鼻腔病。易感風邪。且有易罹肺癆（肺結核）及神經衰弱之慮。

粘液質——此對於各事。感覺遲鈍。反動力亦然。故活潑氣與熱心常缺如焉。察事既遲鈍。則判斷力寡柔。

其體質稍似強壯。皮膚之色多呈青白。亦有帶灰黃色者。全身筋肉弛緩。少紅色。且因皮膚之脂腺分泌旺盛。身多垢汗。頸粗。顏貌似浮腫。上眼瞼下垂。如睡未醒然。鼻梁低下。口唇帶黑白色。津液之分泌盛多。故易流涎。鼻涕亦多。手足運動不靈。手掌足蹠多膏汗。此質之人。雖頗近多血質。其實全相差異。其特點即皮膏少紅。弛緩而不緊張。各分泌腺之分泌旺盛。故多汗及津液等是。

性質之混合 前述四種性質外。尚有混合質。即各質之相混合者。其中有多血質與粘液質。或膽液質與神經質混合。此二中間質之人最多。苟具多血質之長處與膽粘質優點。兩者混合。誠為優美之性質。斯質之人。世所罕見。又身體矮小者多智慧。蓋其體質則多血質與神經質混合之中間質。其體格雖矮小。然體質全部。則甚發達。若性質相伴。概優於多血質。勝于神經質。凡體格長大者。體質固多上等。然智力較次焉。蓋其體質似粘液質與膽液質相混合之中間質。然比之純粘液質。則又優也。

性質之變遷 就體質的性質而言。生後雖強壯。至中年反致薄弱者極多。即精神的性質。當少年時代。勇敢活潑。至壯年變為沈鬱滯鈍者。又常見也。苟察其緣。殆非關於疾病的原因。即神經衰弱或歇斯脫里。Hysterie (譯為臆燥病舊譯百合病) 而失其固有之性質也。修養與習移。雖有關涉。然其大部分。隨身體之變遷。而起性質之變化者為最多。

此外則隨年齡之增長而差異。但人生大別為少年壯年老年之三時代。其間體質性情之變化。以老年時代為特甚。一般人雖緣於老衰自然之關係。而年至老境。精神當較壯時無大異者。亦常所目擊者也。

蓋精神嬰鍊。其維持營養。似勝於壯者。故體質亦無遜色。自是觀之。體質與精神。猶影之隨形也。若注意養身。不使體質衰弱。可保持其健康。性質雖屬神經質。亦能一變為與多血質混合之中間質。諺云秉性難移。乃謬言也。

### 性質之改善

此即精神健全法及精神病預防法。並包括之。吾人既已辨明個人固有之具性。即可從事於矯正及保護。擇其善者而闡發之。其不善者而改之。為日既久。總能著效。所最要者。唯持恆耳。雖然。前謂由保養法可永保健康。或轉弱為強。但於精神上若受刺戟。亦不無變遷之影響。而改善體質。雖能間接的健全精神。究難達其目的。非藉教育與修養及信仰力不可。不過體質不改善。則性質之變遷易復。故其効僅限於一時。苟體質改善。則精神永難遽變。是身體攝養與精神上之教育。實不能相離也。茲就各種性質。可及的改善方法。詳述於後。其關於心理學論理學神經生理學及實驗的教育學等之涉於精神上修養及矯正。並精神病之預防諸法。則申論之於教育之衛生。

(一) 多血質之改善法 其體質既屬強壯。僅勉力維持。不使衰弱可也。而易肥胖與易頭昏。皆其缺點。若性情過於急燥。是宜矯正。

預防肥胖之法。第一食物不宜過多。第二勉力運動。蓋肥胖非僅因脂肪之增加。筋肉常與俱增。若肥胖過甚。則成爲病症。即所謂脂肪性肥胖病是也。多食肉類或飲大酒。或身體運動不足。或睡眠過度。皆其

要因。飽食終日。無所用心。亦最易肥胖。有遺傳性肥胖病者。易患之。然多血質有肥胖之本性者居多。故凡致肥胖之原因。皆宜注意避去。其易患頭昏。為多量血液之故。血液易聚於腦。而血液過多。則其部分之腦神經過敏。性急即緣此理。是以謀血液之平均。最須注意。頭昏劇烈時。誘導上部之血而使下行。是亦緊要。今將一般注意之事。逐言於下。

氣候 溫度過高之空氣。易發頭昏。故熱地或熱帶地方。尤為不宜。寧耐寒帶之氣候。然宜擇中和土地為宜。四季中夏季最宜注意。因夏季使用精神。及身體一般皆易疲倦。以多血質尤易。又春日之陽光。概易頭昏。多血質之人。便秘或頭痛等時。更宜注意食物。及講求通便之法。

居住 須避繁華街市。宜擇閑靜之處居住。衛生上主要換氣。多血質人尤須注意。室內溫度約在攝氏十八度以內為適當。日光不宜直射於室內。夏季須擇廣大之屋居住。山地與海濱之比較。宜居於山海濱。氣候能養成性急。多血質人尤屬不宜。

食物 不宜多食肉類。以防肥胖。須混食菜蔬。故取菜食七分。肉食三分者方為適當。飽食亦須慎之。酒宜禁忌。刺戟性食物如胡椒生薑咖啡之類亦然。過於熱食。亦須禁忌。

(二) 膽液質之改善法 其體質概屬中等。其攝養之術。宜維持現狀。更使增進健康。為目的。此質人有遇事執泥之癖。最須矯正。且體雖為中等。若一旦呈退行性變化。即移為弱體。而成神經質。故體質常須注意。改善之策。發達身體之筋肉。增多肥胖。而力為保養方可。其應注意者。逐論於下。

氣候 此質人對於氣候。無甚關係。然寒地不若暖地爲宜。總以不失中和之氣候爲宜。

居住 雖不必若多血質人之尙閑靜。然一般衛生上。於過繁之街市。亦不宜也。住宅無須特別廣大。園中宜植花草。室內溫度。寧取溫暖。約在攝氏十九度爲適當。其居住地。以性情而言。山鄉海邊皆可。能擇北背山而南面海之地。尤爲適宜。

食物 宜多食肉類。可準一般之法則。即肉食五分。菜食五分。取其平均爲宜。此質之人。食易不多。故須注意。飲少量之酒或咖啡茶等。亦無大害。

運動 一般衛生上運動。皆可採用。然不宜過勞。若競爭運動。尤須謹慎。此質人富於忍耐力。故運動時間過度。致有害精神及體格。如賽馬及自由車球戲博基之類。均宜禁忌。要之膽液質之人。以單純乏趣味之嗜好物爲娛樂。此不可不知。

(三)神經質之改善法 一般神經質之體質。多薄弱。極宜注意攝養。對於事物。尤有執泥之性。甚於多血質。蓋爲情所使然。故勉行改善之法。較其他三質更屬緊要。其體格上須改善之要點。即增多血液。及發達肌肉。又對於事物。觀感過深之缺點。極宜矯正。且須養成決斷力。總之此性質之人。若放任之。則成虛弱之體質。有易患神經衰弱之虞。務須孜孜養護身體。始可要之。此質人對於矯正性情。寔爲必要。關於氣候居住等之應注意者。畧記如左。

氣候 宜擇寒暖溫和之氣候。且空氣不可過形乾燥。以山鄉之地爲佳。



居住 夏秋二季適居山地。春冬之日宜擇海濱。若力所難及。近海之山鄉亦可。居室不必過於廣大。擇其形式幽雅者。室內之溫度約在十九度內外。園囿花卉。宜四時不絕。又飼養鳥獸。可爲娛樂。亦改善之一端。

食物 品質須由氣候寒暖而定。乃一般食養之法則。然神經質之食物。常宜滋膩。而富蛋白質。但此質之通弊。多厭滋膩。而嗜淡薄之物。此須注意。其比例以肉食七分。菜食三分爲準。然胃之運動力多不強。若肉食七分。恐反致害。苟於同時兼食適宜之果實。而富於酸性者。可免此害。嗜好品宜加節慎。酒精較少之純粹葡萄酒。可畧兼飲。其須忌者。即刺激性之物質。如多量之肉汁。茶。咖啡等。皆有增促精神過敏之害。

運動 亦與多血質人相同。不宜過勞。然和緩之運動。必不可缺。且體質不強。若運動稍過度。即覺疲勞。反有害身體。故適宜之運動。可取柔軟體操。野外散步。栽培花草。歌詠及其他發聲運動等是也。又此質人不宜勉行冷水浴。蓋冷浴法能使身體內之脂肪燃燒極盛。體素羸瘦者。則更易招瘦削。故須慎之。

(四)粘液質之改善法 其體質。即此類性質人之生理的異常也。而矯正性情之痴鈍。非改善體質不可。僅注重教育與修養。較無効力。然此性質改善之要點。在使弛寬之皮膚堅緊。與減少各分泌腺之分泌。欲達此目的。必將其身體新陳代謝之酸化作用。促其旺盛。酸化作用盛。則分泌自減。其法即勉力運動。

增加身體之燃燒作用。此外或藉特別之食物。或藥品之力。助其旺盛亦可。今先述普通之方法。其最易行者。即盛行筋肉之運動。凡在小兒。宜使盡力於運動的遊戲。大人須奮於力役。更須講求使用精神之術。但須由漸而進。使成習慣。若過於激烈。反致有害。衣服務宜少着。藉以放身體之溫熱。或常飲適度之茶及咖啡。以謀放散體溫。有時亦可以冷水浴身。然其方法。均須詢明醫師。若粘液性質過於劇甚。可服粘液水腫之特效藥。如甲狀腺製劑等是。然須受醫師指導也。而減少分泌之方法。須注意前述一般之攝生。苟皮膚減其弛緩之度。使身體緊壯。唾液與汗之分泌。自減。此理論與實驗皆相符也。次就其一般生活上之應注意者。詳叙之。

氣候 欲使改善法完全實行。首須移住於寒冷地方。空氣不宜多水蒸汽。故擇其空氣乾燥之處居住之。四季中春夏最爲不宜。身神勞役。故戒過激。分泌過多之體質。難堪暑中力役。恐易致急變。宜待秋冬之交。履行改善之術。

居住 當置身於衆人群居之間。加以比擬。激其氣魄。住地宜山。高山之氣候。有增加血球之性。藉此而旺盛身體燃燒之作用。故擇高地尤爲要焉。居室無須廣闊。日常之生活。必守一定之規律。室內溫度。宜在十六度內外。庭園樹木以不絕紅艷色之花爲佳。

食物 雖亦不必過於滋膩。而肉食以八九分爲適。飽食最宜忌戒。酒類無須禁飲。但須少量。茶咖啡胡椒之類。雖稍有刺戟之性。飲用適度。亦無不可。

運動 此質人須勵行身體運動。已述於前。如乘馬擊劍及其他之競爭運動等。均兼有修養之功用。皆適宜可行。但總以漸進爲主。不可遽急。又游泳術。亦可採用。且甚相宜。

以上所述。爲各固有性質之生活狀態矯正法。其對於教育上之修養。則必藉教育之衛生。以潛移默化之。茲不詳論。此種精神上之保護。雖不必盡限於學校。家庭中固亦可行。然其大部分。仍以學校之實施爲便。在德意志中學校。即設有精神病專家。專研求各個學齡兒童之精神狀態。蓋學齡兒童當春期發動期時。其精神之變遷最遽。有由活潑而變爲沉鬱者。有由穩重而變爲輕佻者。果不施以正當之保護及矯正。又何所用於教育。是則賢不肖之相去。純視此爲進退焉。

#### 第八章 結論

學校衛生之對於學校內部之施設。至是可畧告兼備矣。果施而行之。未始不爲教育上之大輔助。其關係之大。影響之深。乃足以促國家之強。文化之盛也。至於教育上之衛生。更乃登堂入室者矣。當俟異日。供獻於教育界焉。

關於本著所用之參攷書。約舉如下。願讀者並參閱之。

甲。關於身體教育者。

1. Kilbs, Ueber den Einfluss der Bewegung auf die Entwicklung innerer Organe. (1910)

2. Dollinger, Aerztlicher Bericht über die Körperliche Erziehung der Jugend. (1891)

3, Hans Spitzzy, Die Körperliche Erziehung des Kindes (1914)


乙 關於精神教育者。

1, Baur, Die Hygiene geistiger Arbeit der Schüler und Lehrer. (1911)

2, Rein, Der ungeteilte Unterricht. (1912)

3, 高島平三郎著兒童之精神及身體

(完)



## 附 錄

留東通訊 八年九月

祁森煥

今夏京師學務局呈准教育部現任小學校長二員赴日留學教育科予與公立第十二小學校長王君峯適膺斯選同行者爲考選學生邢君大安關君桐華金君普壇海雲萬里負笈東瀛此行當不孤寂瀕行奉 局長諄囑略謂「諸生赴日不可認彼邦教育爲最優良蓋大戰爭後世界思潮一新日本所抱之宗旨多屬於過去的此不可不注意者然留學其國而對於所學處處懷疑亦屬匪是總之須於研究心外別具判斷力是爲至要」又謂「如有所得宜隨時通訊在京師學務局教育行政月刊內發表」云云予等既受命爰於九月七日東裝東渡逐日記所見所聞茲將其中重要事項或直接可供教育界之研究或間接可備教育者之參考者摘錄於左名曰留東通訊陸續寄呈卽希京師諸大教育家教正

民國八年九月祁森煥誌於東京神田旅次

中華民國八年九月七日晚八時半自京出發八日晚七時半到奉有關桐華令兄鳳岡君到站迎迓遂下榻於新商埠浩然里之忠公館忠公北京人也爲關君之至戚二十年前來奉攝邑後棄官專營農業

第 一 卷 第 四 號

及林業於該地情形知之最詳謂吾等曰「諸君到此地以爲中國地歟抑日本地歟試觀南滿車站有日本之警察日本之偵探其他鐵道之管理員無論矣甚至運行李夫亦皆日人敝寓附近中日雜居固不待論惟日人得有購置土地權是可畏也在此間有「拓殖會社」日人來此地者雖囊無一錢皆可貸金購地即以所購地契爲抵押故日人來者爭先恐後大有喧賓奪主之勢吾華內地人浮於事諸君來自都門當知之較詳三省地勢寥闊物產富饒本有可以發展之道今拱手而任他人染指政府不知設法人民競圖苟安常此以往吾人恐無立足之地矣」全人聆之如清夜鐘途次證以所見毛髮益爲悚然經行朝鮮各地未及下車遊覽然其情形亦得見其一二其人頭頂小冠身衣白葛狀態甚爲委靡惟一般青年尚有活潑氣象車中檢查朝鮮人甚嚴雖小皮包中之片紙字單亦抽出檢查蓋受漢京炸彈案之影響也予到東後於「時事旬刊」中得讀「新任朝鮮總督遇炸彈之詳情」並「安南獨立之運動」兩事遂書其後曰「自協約戰勝威爾遜總統以民族自決之說號召天下於是世界民族之被屈於強權之下者無不欲乘機自拔以博人格之平等其最烈者則爲朝鮮赤手獨立雖死不恤桑榆殘喘博浪殛擊（報載炸齊藤者爲六十餘歲之老人已被捕）韓國雖亡而人心未死也次則爲安南志士遺民跋涉萬里（安南代表阮愛國氏運動獨立自美赴法）堅苦勇毅痛哭陳詞（在巴黎向法議院運動）安南雖亡而人心亦未死也返顧神州銅駝興嘆悚覆巢之無完卵每撫劍而聽鳴雞果人心未死安見乾坤不可旋轉也耶吾於二國之獨立運動而得一種教訓則教育問題是也安南向法政府所要求之八款

中其第六款則爲「設立各種專門學校予安南人以就學之自由」朝鮮人所要求者亦有一「韓人須與日本國民受同等之教育」之條彼二國者其能否獨立尙不可知乃開宗明義卽以教育權爲揭橥吾於是而敢斷言曰教育者存亡之關鍵無教育之國家絕無建設國家之能力於國際地位上不得認之爲獨立國有教育而不能與列邦並駕齊驅者則其國亦不得謂之爲真正之獨立國

過朝鮮時同車有長春郭君留日七年相與共談甚洽渠云「吾國留學生腦力不遜於日本學生唯於體育稍差故不能與彼角逐爲同度之勤奮」吾國教育界宜有覺悟要從養護與鍛鍊方面入手當馳書以介紹於我北京教育界也

到東後寓東賓館暇日遊靖國神社社中所祀者皆戰死烈士社前大樹銅像巍然矗立路旁石燈排列社旁有遊就館館中陳列品大別爲五類一爲戰利品如各戰役（如中日俄日德日之戰是）所持以獲勝者或雖毀於敵者亦陳列之一爲獲虜品則得之於敵國者也一爲紀念品則戰死者之遺物遺品是也一爲繪畫品則各戰役之實況或攝影與夫負傷死亡兵士之留影等是也一曰歷史參考品則古代近代之武器及台灣等處之兵器等是也吾觀吾國甲午之物如海軍之艦旂毅軍之木牌（木牌上書毅軍二字乃兵士之所持者）及鑼鼓鞭鞍等物無不驚心動魄外此則青島戰役所獲於德國之軍械甚多而最可注意者則所陳列之山東半島模型（雖刻曰青島港灣模型實不啻爲山東半島之模型）爲當青島陷落時所製製造甚爲精巧詳細於山水村落海灣沙洲無不備具觀此則險要阨塞了然於

胸有服波之聚米敵在目中得留侯之運籌早操勝算其用心甚矣入覽券五錢幼童減半

日本新聞事業甚爲發達販賣新聞紙者所在多有國人幾無不閱報紙者而其國之政府亦即利用新聞以爲勸民之政策故偏激之論自利之見連編累牘離事實遠矣且晚皆有新聞發行其主要者則有朝日新聞大陂每日新聞時事新聞ヤマト新聞日日新聞國民新聞讀賣新聞夕刊等種遇有要事則發刊號外且如朝日新聞等則年中無休刊以視吾國遇有紀念或慶祝至於新聞同日停刊消息驟斷吾人猶憶當年中日交涉危急時日人曾乘吾國新聞新年停刊期而爲一種秘密之運動乎其關係蓋可知矣

美人密魯士(Mr. Mills)先生前在北京青年會充幹事其人在中國數載熟悉吾國情形在京時與金君相善今春來東京任中華基督教青年會幹事嘗訪予等於旅舍能操吾華語與談甚款洽言及留美學生與留日情形不同之點略謂「留美之中國學生現約千餘人皆散布十大學校之中不似留日者之密居東京一偶也散布各處則易與彼國社會相接觸於無形之中語言習俗可以融洽且我美國人亦欽佩中國留學生之好學而樂與爲友誠與此間情形大異」又談及「中日大問題之解決法一在於中國先造成真正之民治而泯南北之戰爭二在於日人能否有公平之覺悟三在於我美之政府是否肯援助中國三事之中而尤以第一事爲最要」云云

行東京市中其市塵多張貼小僧入用或店員入用等字則招學徒者也又各商店商會郵局電業等處



則登報募集男女店員及職工技師等甚多皆書明程度年齡額數報酬等項任人應募茲將電車募集人員之廣告照譯於下以見一斑「(年齡)車掌十八歲以上運轉手二十歲以下(學力)以小學校卒業爲合格(待遇)自四十圓順次至七十圓每奇數日在青山教練所試驗」在事業繁賾之區自不憚小學校卒業生之無地可用也。

(以下續寄)

# 教育潮

第一卷第五號出版

附錄

## 定價

一冊 一角三分  
一年十冊 一元二角

## 目錄

我的生觀	仲九
教育的改造	楊賢江譯
非「愛國主義」	保時
四聲同詞類	周祐
對於中等學校國文教授的意見	仲九
西山究竟怎樣？	經亨頤
願犧牲就是新思想	經亨頤
今後小學校教授上的重要問題	朱文叔
新式標點用法	陳望道
文字爲什麼要橫行	施存統
隨感錄	
通訊	

## 郵費

國內 每冊一分五厘 全年一角五分  
 日本 每冊一分 全年一角  
 其他各國 每冊六分 全年一角

總發行所  
杭州平海路教育潮社

### 代售處

- 本埠 商務印書館 中華書局 問經堂 第一師範學校書報販賣部 教育館 有正書局
- 紹興 亞東圖書館(上海總代售處)
- 上海 馬神廟東口松公府七號少年中國月刊社 院前十號齊魯通信社
- 北京 商業學校互助販書社 橋頭街晉新書社
- 濟南 高等師範學校學生貿易部
- 太原 體育週報社 羣益圖書公司 第一高等小學校狄昂人君 保節街育英學校胡博蘇
- 廣州 衡州派報社張海卿君
- 長沙 陳岳菴派報處(成都總代派處) 桂王橋北街華洋各報總代派處 昌福館中間華陽書報流通處
- 衡州 中華大學梁紹文
- 武昌 蒼西門大街威建樹福堂大藥房
- 南甯 東京菊畷町九六山崎方楊副志君
- 日本